




# MVSKOKE

NAKCOKV ESKERRETV ESVHOKKOLAT.



ETEN CVPOFUCE.

СЕНОФВ еквнв em mokken este-hunvnwv es havtes, momet hesaketvn eyupohauken 'sem vhesakvtes. Momen este-hunvnwv puyvfekcv wenake hakvtes.

## 6 MVSKOKE NAKCOKV ESKERRETV.

Cehofv Eten ofvn cvpofucen ahocvtes, momet mv ofvn este-hunvnwv hayvte huericvtes.

Ekvvnv asosset eto hontekvs, Cehofvt komvtes. Eto vtekat hecetv herakusvtes, en lokce hompetv herakvtes.

Cehofv cvpofv en nvrkvpvn eto hvmken ahocvtes, mv eto hoporrenkv herat, hvtvm holwakat kerre kihocet omvtes.

Momen cvpofv ofv eto en lokce ocat vtekat estomen komet hompetskēs; momis eto hoporrenkv here holwakat kerrat pahpetskvs, papetsken omat mv nettv ofvn cē'let okv, Cehofvt este-hunvnwvn kicvtes.

Cehofv, Este-hunvnwv enhvmkusat herekot omes, em vnicv en horkasvn hayares, makvtes. Momet nuckv sufken Cehofvt Atvmen oh wikvtes; momet entalv hvmken a em ehset vpeswv 'meteyoficvtes. Momet entalv a em esat hokten es hayvtes.

Momen, Tokvs heyy fune tes; momet cv fune tes; momen vpeswv vc vpeswv tes, Atvme makvtes. Monkv hunvnwv, erken wihket, ecken wihket, hokten epayat vpeswv hvmkuse hakvres.

Atvme Ef tepakat afvckvke heret mv Eten cvpofv ofv vtehkvties, Hesaketvmeset em vlaket etem-punaye ocet omvtes. Momof naorketv 'feke ofv ocvkekot omvtes, heraket omet, momet vcacvket omet, momet Hesaketvmese vkvsymvket omvtes.

'Momis nettv hvmken Este-nekricvt, Ef em punayat, "Mv nak' lokeat hompvs," kicvtes. Momen Ef mv eto en lokce ehsetskvs Hesaketvmese kicvte esvtes, momet mv en lokce vpvlwvn Atvmen emvtes, momen hokkolvt hompakytes. Momof naorke-

tvt e feken em eceyvtes, Hesaketvmese mohmatskvs kicvten momakekv. Hesaketvmese vnokecvkekates; momis em penkvlvke tates, vhakvn en kacet kerrakekv. Momet yafken Hesaketvmese en haken po-hakof, cvpofv ofv eto ocat ofvn ēhkakvtes; momis Hesaketvmese hece tayet omvtes, en huehkvtes, momen em vlahokvtes, penkvlkv fvcfvket, naorkaket kerrakekv. Hesaketvmese en homecet omvtes, nak' mohmatskvs kicvten momakekv. Momen mv vtekat Hesaketvmese mv cvpofv vnokeckusat vtehkvre en komekot omvtes. Eten wolhuehet vtohkvtes, momet semvkhotkv em esten vfekhonnivtes, eslafkv-cvpko fenke esen etv welvkuecvren. Atvme Ef tepaket naoriket, momet Hesaketvmese em vhakyvakan kvevket omvtes. Heyv naorketvt cvpofv Eten ofv vtehkvte vtohkepuecet omvtes.

---

## EKVNV OHONVKV.

CACE, yvmvn vts; pum ekvnv estometot omat cem onvyvranis.

Cvrke toyetskat, mv omat kerrkokv, kerryat vc afvcket omes. Cvrke, estimvt ekvnv hayvte te?

Cehofvt ekvny hayvtes, nak omvlkyn oh ocake hecetskat.

Cehofv rakke mahet omeko?

Henka, cvppuce, rakke mahet, heretyv mahet omes. Cace, pum ekvnv nokoftet pukko omet omes.

Cvrke, estomahes. Estomet kerretskat haks? Este ayate ekvñ yuksv 'rorat 'ra vk taskēs komvye munkvt vntat.

## 8 MVSKOKE NAKCOKV ESKERRETV.

. Monkos, cvppuce, mometskeko tayes. Heren yvkapetske tetaya?

Henka, cvrke, yvkapit, letkvyēs.

Hiyomen nettv omvlkvn hvsvklatkv fvccvn ayetsken omat, hofunof ekvnv vfulotketskēs, momet pu hute hvtvm rvlaketskēs, momof ce turofv mi ayetskvte vhece emunkēs. Este sulket heyy ekvnv vfulotecvtes, perro-cukon vtehket, uehvtkv vk fullat.

Cvrke, vfulotkin omat, vc afvcket omēs. Ekvnv pvlhvmke este vpoke te?

Henka, este vpokakat vfulotet omes. Em opuvkv cahmeliket omes.

Cvrke, hvse ekvnv vfulotket ome te?

Hekos, momeko tetayes. Hofunetv mahen vfulotket omes.

Estomaten hvse yafke omvlkvn vklatket ome te?

Cvppuce, pum ekvnv fulotket omes, momof hvsenere omvlkvn arvnayes. Naken esetska? Vm pukko tes. Tokvs, cem pukkon kulke ehomvn ocvs. Hecetskes, pvlhvmket yomuckles. Mucv pukkon rvkpvlvs. Hecetskes pvlhvmket hvyayvketo, mucv pvlhvmkat yomuckles.

Momes, cvrke, hecis. Hecvs, pukkon rvkpalyat pvlhvmke hvyayvketo, pvlhvmket yomuckles.


Tokvs, cvppuce, pum ekvnv mv omet omes. Hvset kulke rakket omen, ekvnt pukko rakket omes, fulotke emunket omes. Nettv ohfulleyatet hvse fvccvhakes, momen ohfulleyat elecvt nere hakes.

Cvrke, hvset ekvnv 'sen rakket ome te?

Henka, cvppuce, hvset ekvnv sen rakket omes. Cukpe-rakko-vcule sulken 'sen rakket omes. Momis hopvye mahekv, cutke omet omes.

Este catvlke hvse hvresse tepakat emekusvpakat sases. Momis fvccv herat Cehofv tylken emekusvhoyvranet omes. Mvt nake omvlkvñ hayvtes, Hvse nettv ohfvnkvrñen hayvtes, em merretv emunkvt omekv. Hvresse kococumpv esyomat nere ohfvnkvrñen hayvtes; em merretv emunkvt omekv.

Heren e vketecvkes—Deut. 4:19. Nake vhake mekusvpatskekaret, ce turwv hvlwe vkwwapet, hvse, hvresse, vkolaswv hvlwe nake sulke ocat hecetskof, mekusvpety, momet 'mvtotketv ce yace wites. Mvn tvlwvvylke omvlkvñ Cehofvt etekvpvken emvtes.



## OKETV OHONVKV.

KvsVPPETVT omes, monkv totkv rakrvken pu yaces. Hetute-rakko latkes, momof ekvñv hvteces, ue-rakko, vkhvse esyomat hetutet talvpheces.

Tasahcof, nettv cvpcvke hakēs, momet lekuthe

## 10 MVSKOKE NAKCOKV ESKERRETV.

hakēs. Pvhet hontvke hakēs. Fuswvt hahoket, tvmecet fullēs. Eto, esse hahicet, lane hakēs.

Meske nettv cvpcvkēt omēs; momof hihoyet omēs. Totkvn pu yahcekos. Vpettusan pu yacet omes. Kapv honhoyan etvn kayakeyēs. Tenetket, vtoyehtvtes meske ohrofvn. Cvstvle lokcakēs mesken; momen kveo, pvkanv-cate esyomakat lokcakēs.

Hiyomat p̄he-warvlke hvyykpofvn vtotkakēs. Hunvntake, momet cepanyke tis p̄he kvrkvpvre hvse en rvkpvlrice ocet omēs, momet p̄he yuknat escvkhehocet omēs. P̄he warke estomeckvt omo haks? Rvfo hakof corakkon momet wakvn esyomen hompihocet omēs, p̄he hompvret sepekofvn.

Rvfo-hakof pvkanv, pvrko, oce-cvpkuce, aha esyomat lokcet omes.

Hetutet eto-essen elecēs, momen a p̄latkes. Eto esse seko hakēs. Rvfo-hakof nak' omvlkv̄t yuknet talakēs. Matvpomet este omvlkv̄t pvsatkvrances. Momis este herakat Tasahce etvn, Meske heretv mahen Cehofv en liketv ofvn ocakēs.

“Ekvn̄ like munken omat, nerkv oketv, hayo, kvsvppe, hiye, meske, rvfo, momen nettv, nere esyomat wikekares.” Gen. 8:22.

---

## ETEMPOHETV.

ESTVN Hesaketvmese like te?

Hvlwen likes. Hesaketvmese hvsen hayvtes, mohmet hvtvm hvresse, kococumpv, nak' omvlkv̄n hahicvtes.

Hesaketvmese este hayvte te?

Henka, Hesaketvmese este hayat, nake wenahoke fullat omvlkv hahicvtes.

Hesaketvmese heret ome te?

Hesaketvmese heret omes, hesaketvn pu'mvtes, pu 'hecice munket omes, nettatot nere tis.

Estimvt hompetv pu'me te?

Hesaketvmeset pu'mes, mohmet atcvke nake herake oceyat vtekat.

Hešaketvmese epu 'kerrice te?

Henka, monkaten omat, estomet pu 'hecicvnt oma?

Hesaketvmese pu hece te?

Henka, pu hece munkvt omes.

Nerē tis pu hece te?

Nettv etvpomen pu heces.

Nak' oceyat kerre te?

Henka; nak' estomusen oceyis kerrez.

Nak' makeyat pohe te?

Henka, nak' vkerriceyis kerres.

Estomaten Hesaketvmese ce hayet, cv hay /te te?

Kerret, e'ncakeyvren omvtes.

Estomet e'ncakeyetat kérre te?

Nak' makvten oh svpakleyate.

Hesaketvmese naken pu kievte te?

Ce feke 'somvlkv v'ncakvkes makvtes. Cen Hesaketvmese e hocefkv ehvperkv hoehfetskvs. En nettv vcayecet, cen nakvlke nak' ee kican oh huervs. Estelehcetskvs.

Nak' cv kievten oh huervkon omat, Hesaketvmese vn homece te?

Henka vn homeces.

"Vhakv tohwvlvpecatskvte omvlkvn cen kypyken

vpvlvtvkes, mv omecice vhaky kvcatskvte, momet ce feke, cem puyvfekcvu mucvsen hayvkes, estomen ce 'lvranyke haks? Aeha, Eslevlke toyatskat."

"Mv este elat es afvcketv ocvkokv, Pucase Hesaketvmese makes, momekv fulecet hesahokvkes cēmet." Ezk. 18:31, 32.



### TVKOCA.

"Este enhorrvt toyetskat, tvkocan oh vyvs, momet em vretvn vketecet hoporrenvs," Nakcokvrakko maket os. Prov. 6:6.

Hunvnwvt ot, hoktet ot, estuce tis nakcokv oh onvyetv eyacekot, momet vtotketv estomis eyacekon omat, mvt "Este enhorrvt on" kerratskēs. Este mv omakat kerratskat sase te? Nakcokv-rakko, Este enhorrvn okat, "Tvkocan oh vyvs, momet em vretvn vketecet, hoporrenvs," kicet os. Tvkoca vtot-

ke fullat hecatskyte oca? Vketecetsken omat, eco 'fveecicēs. Hvmket oktahv evk en rakke omvtekis cukpiket, hvlket, vlece mahet es ayet os. Momet heyyv oktahv er licat, fekvpvranet fekhoniyekos, momis hvtvm komvntot ayet os. Hecet liketsken yaf-kis, enhorrve hehcetskekos. Lopockuset omis, nak' rakrvke 'sen cvfencvket omes. Hiyomat, estomaten este en horrve, "Tvkocan oh vyvs," Hesaketvmese kicet okat, kerratskes komis. Mv em vtotketvn hecet cvfencakat, momet mv enhorrvlke fullat es vlsvkvren oks. Momet cvfencvke fullvren emvhayvranan kicet okvtes. Tvkoca en cvfekne hecatskat vtotkvranatskat tvlkes komis. Tvkocat on omat, afvckvke mahet os, cvfencvket ok. Hesaketvmese, este yvmv ekvnu oh huericat, enhorre taranen omekates. Hopuetake vtekat nak' en celaky ocvket os. Tvkoca ehute estomahen hahicaket os, estomecet omatskvres kice emvhahoye sekon. Hesaketvmeset hoporrenkv e'met os. Omvlkeyat yv tkoca en cvfencvke omēn omat, pu'fackvke mashes. Este, enhorrvt on omat, estofvn afvcikekos, momis estemerrre munkvt omes. Monkv pu'nhorrrakat omvlkvñ wikit, nak' vtekan, cvfencvket celayet omvkēres, momet mvn momecēn omat, Hesaketvmese afvceciceyvres.

## AFVCKE HAKETV.

AFVCKE hakety ce yace te? Afvcke hakety, Cesvs Hesaketvmese oh vkvsvmvranetsket os, ce hesa-yecevren. Mvn mometsken omat, Hesaketvmese em estuce toyetskres, momet heren liketskvres.

Hesaketvmese Eppuce Cesvs vkvsvmetvn ce mvnievren Hesaketvmese em'pohvs, momen mv esvrakhvn Puyvfekcv-Herat ce'met, Hesaketvmese em vhakv hvsvtkan ce mvhayvres. Momof mvn vcvkayetsken omat, yvmv ekvnvn aretskis, ece 'fvcketares. Naket ce penkvlehcekos. Elkv tis ce penkvlehcekos, momen ce'lis, cem puyvfekcvt hesake munkv tares. Afvcke munkv tares. Estofvn estemerikekos. Estofvn ehlekos. Cesvs hecet likvres. Este faccvlken hecet likvres. Esyvhiketvn ocaket vpokēs. Hesaketvmese em estvlke haketvn estimvt komen omat, em este haket omēs.

### HOLWVKE OPUNVYETV.

OPUNVKV holwvke este opunvyehetskvs. Nake holwvke a em pvlehetskvs. Vnokeckv ofvn este ce'ncakekaten encakvs.

Cesvs pu'ncakvtet omekv, pumeu ete'ncakvkeres. Cesvs Hesaketvmese Eppuce mahusat omet, eyaskuset, momet efeke kvncapusate omet, Hesaketvmese em estuce toyetsken omat, ceme Cesvs etvpomvranetsket omes. Momen ce naorihocis, cvpvkketv opunvkv opunahyetskvs. Nake ce kihocis, este nvfiketskvs. Hesaketvmese em estuce eyaskuset, cvpvkketkot omvtcv.

Hesaketvmese "este eyaskusat heren huericvres, momen este eyaskusat em vyetv heren emvhayvres."

"Cem estvlke em etenrvwv nak' onvkv esarv omet 'setoh vhretskvs, momekat ece'nakuecv e catv vnrvpe huyiretskvs, vnet Cehofv toyis."

"Ce feke ofv tecvkketskvt en homehcetskvs."  
Lev. 19:16, 17.

“Este vnakuecv oh laksat svnvfkety tes, eslafkv-cvphko tes, momet re fvske tes.” Prov. 25:18.

“Estvmvn eto sekon omat, totkv aslēs; momekv estvmvn nanvkokv sekon omat, etehvnkv wikēs.” Prov. 26:20.

---



### ESTE FEKE HOLWAKAT.

Ce feke ofv holwvyeckv ocat kerratskes. Momen Hesaketvmese naorketv en homecet omat ker-ratsket omes. Momet Atvme Ef tepakat cvpofuce ofv wolhuehocvtes naorkat vrahkvn.

Monkv ceme mehenwvket omekvs, mv Hvlwe-tvlofv naorketv sahsekos komet. Monkv Hesaketvmese este naorkv em etektvnecen escehyekos. Monkv Hesaketvmese-em-estvlkeu naorkahkekos. Momet puyvfekcvu Cesvs teropotte hesahokateu naorkahkekos. Naorketv Hvlwe-Tvlofv sahsekos.

Momis ce feke holwvken ocetskes, naorketv vnokecen. Momet holwhoken es vkerricetsket omes. Momet ce cvpvkkes, momet c'ekvsomes. Heyvt ce feke holwvke tat kerkuecet os. Nake etv sasat kerkuecet os; ce feke holwvke tat nettv omvlkv. Naken estomvranetske haks? Ce feke holwakat Hvlwe-tvlof es ayetskeko tayekv. Este naorketv vnokecakat hvlwe-tvlof seceyekot omekv. Naken estomvranetskat cem onayvyēs. Atvme en hopuetakuce vtekat efeke holwvhen es heckvktet os, cenake etvpomen. Heyv ce feke holwvke ocetskat etv hahket hvsvtk hakof tvlken, Hvlwe-tvlof eceyetske tatayes. Hesaketvmese tokat ce feke holwakat etv hayekos, monkv Hesaketvmese em'pohvs CESVS KLIST vrahkv, Puyfekcv Hvsatkusan atohten, ce feke holwakan cem vkueyicet feke mucvsen ce'men, nake herakat vnokece tetayen. Hesaketvmese Puyfekcv-herat estimvt em'pohen omat, e'mvranet makvtet os, pu Hesayev vrahkv. Monkv heyvt nake vfastvranetskat tot omes. Ceme e emvnicetskeko tatayes. Momis Hesaketvmeset ce 'mnicet ce feke cem eticvren em'pohvranetsket os. Hvmmaket ce mekusvpkt omekvs. "Vc ofvn feke hvsvtken hocvtcvs, Aeha Hesaketvmese, momet puyfekcv fvccvn ve vpikvs maket."

---

### FVCCVN PUNAHOYVKS.

ESTOFIS fvccvn punahoyvkvtcvs. Estofvn, nak fvcceko vfastatskat, ehetv kohmatskvs, momis fvccvn punahoyvks. Monkon omat, estit cem vkvsahmvkekos. E cukwv laksat Hesaketvmese en homecet omes. Laksvlke em vpoketv vkhvse tohottoplane

totkv setenekret omvres. Hesaketvmese heyy ma-  
ket omes. Em opunvkv sumikekos.

Este-laksv toyetskyten omat, Hesaketvmese mer-  
retv em'pohvs, momen ce'mvnichen omat, svnvcomv  
naorketskekaren.

Opunayetskhat omvlkvn fvccvn opunvyvs, monkon  
omat vcewe min ce feke cen nokkicvres.

Aeha Hesaketvmese, estuce yekcusekan emvni-  
cv, Cesvs svrahkvn. Vc vhecicvs, yv naorketv rak-  
kat ofv cv lvtkekaren.

“Ete'n lvkisatskvs, este veulat, em vtotketv es  
vpvken vwickatskytet omekv.” Col. 3:9.

“Estimvt ehkuse vnakuecv oh laksat mvn tahcit  
vwickares.” Ps. 101:5.

“Lakse nake kerkuecat estemerkeko huerekakes,  
momen lakse opunayet estermerkv en kwpvke-  
kares.” Prov. 19:5.

“Cehofa, estimvt cen cuko ofv vre taye haks?  
Estimvt cem ekvnhlwlwe like taye haks?

“Mv mehenwe yvkapate; momet fvccetv vtotkate,  
momet e feke ofv mehenwv opunayate.

“E tulaswv este es opunvyecekate, momet vnakuecv nake em vhovpnekate, momet vnakuecv nake holwvke kihocis 'mapohicekate. Mv este ehomv este holwvyecat vrakkuehocekot omes. Cehofv em penkylakan vrakkuecet omes.” Ps. 15:1-4.

## FO.

CEPVNVKE hoktvkucvlke enhorrakat fon ohype-  
yet, es én kerrvkepe tayes.

Fo yekce mahen vtotkaket omēs. Meske, hvse



asossat vpaken, sosset vtotkaket omēs. Hvsso-hiyv ofv tis vtotkaket omēs, momet en hompetv e huten hericaket omēs. Mvn rvfo orof en hompetv ocakēs, en cvmpe hayvranat pvkpukke sekot omes. Mesken en hompetv hericaket, rvfon es emehakaket omēs.

E tulaswv cvpcvkken ocakēs, pvkpukke es lasakat. Vnakvn hueret vketecetskēs, estomecet en cvmpe cawet omat, em etetayof e huten es vpeyēs.

E hute omvlkvñ fo rvkrakat vpike vlket omēs, mekko-hokte kihocet omēs. Mon enhorrakat sases, vtotkvkekot. Momen rvfo orof vtotkaket vtotkvkekkan sossicet omēs. Monkv heyy fo enhorrakat omvkekot, momis fo cvfencyke vtotkakat, mi omvkes.

Fo semvnole Cutev ofvn tayet omvtes, momen en cvmpe eto hauken, monkat cvto hauke tis 'svtethet omvtes. Cutev wakv-pese, momet fo-en-cvmpe tayen 'se vfystaket omvtes. Cane Paptisv vnrvwvn arōf, nake hompyte hvmkat fo semvnole en cvmpe tates.

Tewe nakcokv Hesaketymese es vkvsymkv ofvn,

Hesaketvmese em opunvkv fo-en-cvmpen es vhopayet omes.

“Hesaketvmese em penkvlkv hvsvtket omēs, oce emunkvt; Pucase em vhakv mehenwet fvcce vlket omes.

“Cvto-konaplane ’sen heren eyacvke tayet omes. Henka, cvtokunaplane herat sen herēt omēs; fo-en-cvmpe tis, momet fo-en-cvmpe hute es ocis ’sen cvmpet omes.” Ps. 19:10.

“Cem opunvkv lasvyat cvmpe mahet omes. Henka, fo-en-cvmpe ’sen cvmpe cv cukwv ’sem momes.” Ps. 119:103.

---

### LVKCVT LVKCVPE HAYET OMES.

NAK’ omvlkv em munkv ocet omes.

Lvkcvpe otōn ettihcekos. Lvkcvt hontet lvkcvpe rakko hayet omes. Vceu, telekon ettihcekos. Pvrkou etofvsken oh lokcet omekos. Vkacou kerakkon ettihcekos. Hesaketvmese hylwe estvlke, hunvntake hopuetakuce tis em munkv ocvke vlket omēs.

Momis heyvt omvlkekos. Pusuce puse rakke hakvres, yvpefikuceu yypefikv rakke hakvres. Cepvnvke holwvyecakat hunvntake herake haye mahekot omes. Cepvnvke herakat hunvntake holwvyecvke haye mahekot omēs. Cepvnvke herake omaket fullēs, momis e feke en hecēskot omekv, holwvyecvke tis saset omēs. Momekv vculakof vyvkhvmkusen holwvyeckv vfystakēs; momis heyvn kerret okes; mvt holwvyeckv enhvteceskv tokot omes.

Cepvnvke holwvyecakvte vculakof, hunvntake

hervekeko vlvranuses, lvkev lvkevpe hayat etvomen. Heyvn okis, nake em munkv wikekon omat, ohvtvlaket vyecice munkvt svhere mahe hakēs. Hesaketvmese en herkv feke oh vtotke estomis, nake here ettihcekos. Mv omekon herkv vtotket omes. Monkos; este heren hahyet omof, momusen em ette heren hayet omēs. E feke fvccvn hayet omes. Momof vkerrickv tis, opuŋvkv tis, em vretv tis omvlkvn heren hayet omēs. Heyvt Hesaketvmese em vtotkettv tes.

Cepane cvpvkketsk on omat, hunvnwv cvpvk ket ome witetskvres. Hvtvm hokluswv cvpvkketsk on omat, hoktyle cvpvkke heret ome witetskvres. Heren ce mvnettof vketecvs, naken ometskat, momis nake toyetskat here mahen vketecvs.

“Cem etehohsvkates; Hesaketvmese svhkopvn esko tayes; naken este vhocvten omat, matvwvn vteloyvret okv.

“Estimvt em vpeswv vcvkyen vhocvten omat, vpeswv aossen vhopvnketvn vteloyvres, momis puyvfekcv vcvkye vhocvte, puyvfekcv aossen hesaketv yvksv sekon vteloyvres.

“Momen nake here vfystetv es pu hotosahkates, tetaye orof, feketv pun heckvres, pu’nkvsymkekon omat.” Gal. 6:7, 8, 9.

### NAORKETV LOPUCKE SAHSEKOS.

Cvrke, naket kerris, Melucet kicvtes. Momen, Moman naken kerretska? erket kicvtes. Momen “Hythvyvtkeise, naken vm onayet oketskat kerris; Atvmen oketskises. kicvtes. Momen, “Mehenwvts,

Atvme tis en oketskes, erket makvtes. Este-hunvnvw enhvteceskv Hesaketvmese hayvtet os. Momen Ef hokte enhvteceskv tates. Hesaketvmese nake momehcatskvs kicvten momecakvtes, momet svnvcomv vcacvkekates. Momen en hopuetakeu efeke vcacvken es heckvkekates. Pume Atvme Ef tepakat en hopuetake toyēs. Momen este vtekat mv en hopuetakets. Momen omvlkeyat hopuetake naorkvlke toyes. Momis Atvme Ef tepakat, Hesaketvmese naken momehcatskvs kicen, momecaket omvte vm onayatske taya? erke kicvtes. Monien, Henka, vntat onayvyēs, cepanat makvtes. Momet, Eto em ette celahyatskvs kicvten mamakvtes, kievtes. Nake cem onahoyvte vkerricepetv kometskat vc afvkes, erke kicvtes.

Hiyomat, heyvn vkerricepvret kometske te? Naorketv lopucke sahsekos. Purkvlke enhvteceskv eto em ette celahyatskvs kihoce estomuse en mamakvte, naorketv cōtkus komakvtes. Momis yv naorketv rakke tates, Hesaketvmese rakke Hayvte likan vnaorketvt omekv.

Yv vn hopuetakuce toyatskat, nettv ce hesahokvkat omvl' yv vkerricēpetv komatskvre te? Nake estomis, naorketv cotkusekv komet, estofvn celahyatskvs, momis nake estomis Hesaketvmese vsehvte momecetv, naorketv rakket omes. Mvn vkerricvkvtevs.

### NAORKETV.

ESTUCE heret ometsken omat, este ce kerrakat ce'nokecvke tares. Este here ce hakvre kometske te? Henka kometske oces. Momis ce feke ofvn

naket liket on omēs, ce hervre, ce 'mvn vttecat. My nake ce feke ofv vpikat, nak' holwvke tis momecvs, ce kicet omes. Naket ome te, ce feke vpikat? Naorketvt omes. Este ce herekos, holwvyeyckv nak' ce kican momecetsken omat, Holwvyeyckvt omēs. Cv-pvkke ce hayat, momet enhorren ce hayes. Holwvyeyckvt nak' fvcceko opunvyvs ce kicēs, holwvyecetskvet on omat. Naorketvt esten opunvkv holwvken makepueces, momet horkopicēs, momen etepoyet, etelecet omes. Estofis naorketv cvpvkketvn hayes. Nake etv naorketv en holwvke omat sahsekos.

Cesvs Hesaketvmese Eppuce vlakat, etohwelepkvn oh elvranat vlaket omvtes. My momat naorketv pun kypvkvren omvtes. Cesvs momekaten omat, naorketv emeyuksvsekvt os, momen espoke estemerkv ofvn epu'totvnt os. Naorketv vnrwpvs, momet Cesvs vnokecvs, ce hesayecvrane vlakyten. Hesaketvmese cen naorketv ce feke ofv ocat, cen kypvyecice tayen, momet heren, hvsvtken ce haye tayen, em'pohet mekusvpvs.

---

### HOLWVYYECKV MOMEN ESTEMERKV.

MELE, cepanat, erken esyomet Atvme Ef tepakan opunvyecet fullvtes. Cane en hopelkvn yicvtes. Momof estomaten yv etecvkkatskat ena ekvny ofvn wvkechoyat kerratske haks? erket kicvtes. Momen, Vne kerris, Melet makvtes. Momof etoropus-wv em pvlatkvtcs, Cane vnokecusvte vkerricat, hv-kihhoke vlket omekv. Kerris, elepekv, heyy wvkecet omhoyēs; makvtes. Momis, Estomaten elet ome haks? hvtvm maket erke vpohvtes. Momof, Enokket ok' cmekat liaks? Melet kicvtes. Momen,



Enokke mahet omvnkes, momet tayen estemerrvnkes, kicvtes. Momis vpohetv etvn ce'mpohares. Estoman ce cerwv Cane enokket omvt haks? kicvtes. Momof em vyvposketv Kerrvkekates. Momen erket em onayvtes, Ymv ekvn naorketvt sekaten omat, nake nokke sekon, elkvu sekvnt omēs, kicvtes. Momis naorketv estemerkvranat tvlken, Hesaketvmese em vhakvt maket omēs. Momen elkvtt heyy

estemerky hvmkat tes, ce cerwv Cane erkylket naorkvktet ok, elet omvtes; momet holwvyece em munkvt heckvtet omekv. Omvlkt pvsvtkranat, heyvt fvccv tes. Momet Hesaketvmese naorketv en homece tat, momet estemerricat nettv omvlkvn oh kerkuecet omēs. Yvmv ekvnv efeknokketv pun heckat vtekat pum munkv, naorkvt omekv os. Mominis heyy omvl' muntalat tokot omes. Este e na elehpof, este em puyvfekcvt estemerkyranat ocet omes. Mv puyvfekcv elvte sekat, mvn estemerkvranet omes. Momen Hesaketvmese en nakeokv-rakko ofvn puyvfekcv naorkylke vtekat estemerhoyvranet omēs, maket pun kerkuecet omēs. Afackakuset hvlwe-tvlofv vpohkekos, momis Este-nekricv hute min, mvn estofis estemerhoyet vpokvranat vpeyvres. Momekv mimv liketv senhoneckat vk htvphoketv ce yacvkekot omen kerriky, emekusapv hakepatskvrren cem vcahnvkvyet omes. Momet hvlwe-tvlofv min ahoyehpet, mvn estofis afvcke munkvt kakepatskvrren komit okis.

### CEHOFV HOPORRENET.

MELE, Cepanat, erkeu esyomvket yvkvpaket, evpofv ofvn fullvtet, hotosakof, eto elecvn 'rvpokvtes. Momof erke herat, Hesaketvmese rakke pu Hayvte likat, nake sulken es cem onayvkis. Monkv htvvm es ce mvhayvranvkis kicvtes.

Hesaketvmese hoporrenet omēs. Nake omvlkvna kerret omēs. Este estomet nake mucvsen Hesaketvmese em onayeko tetayes, Estofis hoporrene munkvt omēs. Hvlwe-este sekon, este hunvntakeu,

hvseu, yvmv ekvnvu, kococumpvu sekof, ekvnv ha-hohyen, este oh vpokvranat omvlkvñ kerre tates. Yv hiyome ce kerrat etvpomusen, momof ce kerre tates, naket mucvse en sekot omepekv. Mucv nettv ceme vne tepakeye opunahoyeyat omvlkvñ kerret omēs. Momet opunvkv opunahoyeyvte vtekat omvlkvñ kerret omes, momet nake vkerriceyat tis omvlkvñ kerret omēs, momet nake vkerriceyvte vtekat, momet naken vkerricvraneyat tis. Pu hesahokat vteken omvlkvñ kerret omes. Momet yvmv ekvnv, este-hunvntake, hoktvkeu hopoetakeu oh fullate vtekat, nak' momecakyte omvlkvñ kerret omēs. Heyv nake omvlkv, momen 'sen sulkis, Hesaketvmese kerrvre en yekicekos, naket en yekceket ome-kv. Naken kerreyet on omat, eme nake omvlkvñ kerret omes. Este estomet Hesaketvmese emvhayvt huereko tetayes. Nake hvmken hvtvm cem onayvkares, kerratskan heres, Hesaketvmese en nakcoky-rakko vcakat ofv, em'pohēn omat, hoporenkv pu'metv vkvsamuset omen, pun kerkuecet omes. Hoporrenkv fvccan pu mvhayvranan mv nakcoky pu'mvtet omes. Momen nake makat omvl' mehenwv tes. En nakcoky-rakko nakcoky mehen-wvts. Mv este Hesaketvmese em penkylvke, em vtotkakat, en nakcoky ofv esetemfvccetv sulket em ocet os. Momen esetemfvccetv omvlkv̄t mehenwvt omakes. Hesaketvmese esetemfvccetv heromvke este en hahicvte omvlkvñ vcayecvres. Momen este vrakkuecvkekakat vtekat nakcoky ofv esetemfvccetv mvn em ocet omes vnrvpvranat. Hesaketvmese nak' makvte momecvranat tvlkuset omes, ehelakse-eko tayekv.

Hesaketvmese esetemfvcctv hayvte ohonayet heceyat, punake tokon omat, oh vkerrievraneyet omes. Momen punaket on omat, pu feke afvckvkvranaet omes, herakvres komeyet ok'. Momen Hesaketvmese nake makvte ohonayet pohen omat, pu penkv-lvkvranaet omes, epu'nrvpe tis opunaye tayekv. Momet Hesaketvmese naorketv omvl', Eppuce vnokeckusat vrahkvn, pun kypicvren emekusvpvraneyet omes, momet en cvpvkke en kypvken pu hesahuecvren. Hesaketvmese em-este fvcctv vnokecakes, nake mehenwv tokat makahkekos.

Laksylke Hesaketvmese en homece mahet omes. Este ecukwv laksat en homecet omes, momet mehenwv toko opunahoyat estemerrvkuecvres. Ymv ekvnv tis estemerrvkuecet omes. Momen ekvnv hvmkateu estemerrvkuecvranat tvlkuset omes. Eme mahusat, laksylke vtekat Este-nekricv e hute ofvt em vpoketv tares, makvtet os. Monkv yv vn hopuetake vnokecusvyat omvlkvt, heyy nake en kerkuecvyat omvl' vkerricepet e feke vte heren mehenwvn opunahoyvre te? Momet hvlwe Erke likat em Puyfekcv vcakat e'mvnicvren emekusvpakate!

### NOKUSE.

NOKUSE ponvttv cvpvkket os, momet eto ofvn aret omes. Nokuse rakket omes, mont eto veemket omes. Nokuse fo-semvnole em veemket, en cvmpen en lokes. Enkususuwyn es korret, nak' yylon-kvn a cawet, papet omes. Cvpoft tis vce ocan oh ceyet, este'n nokset omes. Sukhucen hvtm papet

omes. Nokuse em vpeswv hompetv heret omes. Nokuse hvrpe heret omes, rvfon atcvken, esse es hahoyet omes. Este fayat nokuse mvnettan en



nokkicen omat, ecket este tepoye munket, ehle tlv-kuset wiket omes.

Cusvlke em etvlofv nokuse rvkrakat tayet ful-lvtes, momet yvpefikv, wakv, este esyoman pvsatvtes.

Ahvmkv Hesaketvmese em owalv Elisvs hocef-kvt Cusvlke eme tvlofvn Cvleko orof, hopuetakuce sulket asosiyet vcvkvpeyet, hocefkv holwahoken ho-cefakvtes, momen Hesaketvmese eyacekat nokuse-en-hoktvke hokkolen vtohten, mv hopuetakuce hol-wwyecakat pale osten hokkolohkakan pvsatvtes, Nakcokv-rakko maket os.

## LOKCE HERAN HOLWAKAN TEPAKEN.

Eto en lokcen es kerreyet omes.

Eto herat en locke holwvke lokicekos.

Eto holwakat en lokce heren lokicekos.

Svtv-rakkon eseyat eto oh lokcat svtv-rakko em. vpet on kerrēs.

Matvpomen estuce naken estomat kerrēs.

Cepanat horkopen omat, horkopvt on kerreyēs.

Hoktuce naket mehenwekate maken omat, mehenwvn vnokecekon kerreyēs.

Estuce herat nake herakan celayetvn komet omes.

Estuce herat Cesvs Klist Hesaketvmese Eppuce oh vkvsamet omes. Hesaketvmese vnokecat 'Eppuce elvranen emvtes, hesahuecvranet.

Estuce herat Hesaketvmese em vhaky omvlkvñ kerretvn komet omēs.

Monkv eto en lokcen es kerreyet omes, matvpomen estuce naken estomat kerrēs.

---

## HESAKETVMSESE EM-ESTE, MOMEN YVMV

### EKVNV ESTEN.

Yvmv ekvny este mvrahrvkv nvcomv te? Melet erke kicvtes. Erke en cuko ofvn nakcokvn Mele hecvtes, momen este catvlike, este lvstvlke, Cusvlke tis en heckvt ocen hecvtes. Momen etv sulken hecvtes, este ohonvkv pohvte sekis hecvtes. Momen yv hoktuce nake vhake hecat es afvcke tates. Este mvrahrvkv nvcome te? maket vpohvtes. Momen erke em vyvposkat, Hokkoluses, kicvtes. Momen,

Kut! Cvrke, yv nakeokv ofvt on omat, sulke maches, Melet kicvtes. Hokkolusat 'sen hoyvnet on kerris, makvtes. Yv hoktuce vne okvyat tokon oks. Ekvnv ofv vne este hocefhuecvye tayat sen sulket omes, ekvnv hopvyvke mahis vpoket, em ateusvke tis mvrahrvkvn vchoyet, momet em punvkv tis mvrahrvket on, nak' makakat tis t'en kerhoyekot omes. Momis yvmv ekvnv este mvrahrvkv hokkoluses makvyat, cem onayvyēs. Hvmkat Hesaketvmese vnokeevkekot, em vtotkvkekot, e feke naorkvke hvsvtke en hahoyte sekot omes. Heyv esten, yvmv ekvnv este kihocet omes. Ekvnv vnokeevket ot, ekvnv nak' vtehkateu vnokeevket ok, Holwyyecv en hopuetaken kihocet omes. Setvne Hesaketvmese vnrapv e pucase tat naorketvu esemepayvt ok'. Este afvckvkekot omes, ekvnv vnokeevke mahet omekv. Estofis ofv vpokvranekat kerryket omes. Naorketv vnokeevket o estomis, naorketv em estemerretv vkvsvnrvkvrana tylkuset os. Este naorkylke nettv omvlkvn Hesaketvmeset en homecet omes. Momen este vpylwv Hesaketvmese vnokeevke em vtotkakat tes. Efeke emvrahkuehocvtet omes, momen nake herake en homecavte vnokeevket omes. Momet nak' holwahoke vnokecavte en homecvket omes. Heyv este Hesaketvmese en hopuetaken kihocet omes. Hesaketvmese vnokece tat vhecidet, em merret omes. Yvmv ekvnv vtehkof vhecidet omes, momen pvsatkof, hlvwe-tvlofn es ayet os, estofis afvcket mvn vpokvkepvren. Monkv hiyomat, heyvn este mvrahrvkv hokkoluset os, yvmv ekvnv. Hesaketvmese em estvlke tokon omat, ekvnv, momet Setvne em estvlket omes. Heyv eshokkolat vm

estvlke estoman enhopoyepe haks? Mele, Hesaketvmese em estuce toyaret komis, makvtes. Momen, Momen vnewe, cepanat makvtes. Momen heyv hopenetake erke Hesaketvmese em estvlke mehenwv tate komvtes. En hopuetakuce Hesaketvmese em esten sohhonkvtkvren emekusapvtes. Momen este hvsythvket, heraket, en sehoketv fvccvket omakvten, pvsatkof, hvlwe-tvlofn min svpehoyvren meku sapvtes.

---

### HESAKETVMESE EM ESTE VCACAKAT.

HVLWE-ESTE nake tat pum onayetske te? cepanat erken kicvtes. Momen estomvke tat estomusat cem onayvyēs, kicvtes. Hvlwe-este vcacvket omes. Hesaketvmese em vtotkvranan hahicet omvtes. Hesaketvmese este-hunvnwv hayekof, momen ekvny hocvckekof, hvlwe-este hahoyvtet omvtes. Pume omvkekot omes, ena punake omvkekot omes, momen hvlwet em vpoketvt omes. Momen Hesaketvmese rakke vcakat mv hahicvte vrakkuecetv vnokecvket omes. Momen estvn ypeyvks, Hesaketvmese kicat, pvfpvne mahet omes. Momet nake momecvks kicateu yekcvke mahet omes, momet Hesaketvmese nake komat kerretvn hoporrenvke mahet omes. Momis en yekcetv en hoporrenv vtekat Hesaketvmeset e'mvtet omes. Mvt omekon omat, naken estomahkekos. Pume hvlwe-este hecēko tayet omes. Pu turwv puyvfekcvlken hecvkvransen hahoyekates, momen hvlwe-este puyvfekcvlkets, Hesaketvmeset em este hechoye ocvtes. Hesaketvmese momekvs komen este ome e hayen hecet omho-

yvtes. Momen pume hecēko taye estomis, eme pu hecvke tayes. En sulke estomuset hvlwe-este pu hecat kerrēkot omes. Momet nettv nerre omvl' en sulke estomuset epu'fulote tat kerrēkos. Momis nake hvmken kerreyet os. Estofis Hesaketvmese e turwv ep oh renaye munkvt os. Mvn estofis pu hosvranēkot omes. Hesaketvmese em-estvlke vca- cakat em vhonkvtkv kerrēko tayet omes. Vhonkvtkv, pum vkerrickv er ore tayat sen sulket omes. Hesaketvmese nake komat momecetv emehakovke vlket omes. Nake kicat vteken omvlkv vpeyet yi- cet omes, momen omvlkv afvckvket omes, vcacvket ok'. Hesaketvmese vrakkuecēn omat, pumeu pu 'fvekvke tares. Momen yvmv ekvnv nake koman momecēn omat, Hesaketvmese em-estvlke heceyv- res, momen puna pvsatkof, mi hvlwen pum puyv- fekecv 'rvpvkepvres.

---

## TEWE MEKKO.

TEWE mekko ohonykv kerretv ce yacet omes, komis. Mv este-hunvnwv Hesaketvmeset vnokece tates. Momet Tewe hunvnwv orof, yvpefikvn vheci- cutes, momet kerrekates hesake emunket mekko ha- kvranat.

Ahvmkv Tewe cvpofv ofvn en yvpefikvn vpaket arvtes, momen este-papvt nokusen tepaket vlaho- kvtes, momet yvpefikv hokkolen cvwakvtes. Yvpe- fikuce estemerrusvtes, pvsatet hompvkvranvtes, momis Tewet este-papv nokuse tepakan assecvtes.

Enhvmkuset omat, este-papv nokuse tepakat



hofunekon pvsntares, komvtes, momet em penkylekates.

Estomen Tewe penkylekat haks? Hesaketvmese hesayece tayen kerret omvtes, hiyomet on penkylekot omvtes. Momet Tewe este-papv nokuse tepaken pvsatvtes.

Momen hofunusof, este-hunvnwv rakke mahet Cusvlke etepoyvranet vlakvtes.

Mv omof, Tewe mekko tokates, mekko Sal hoeffkv tates.

Estimvt mv este rakkat etepoyetv eyacekates, omvlkvvt tayen penkvlvke tates. Mv este rakkat holwvyecet, Hesaketvmese em penkylekot omvtes.

Tewe mv este rakkon hecat, estimvt osiyet etepoyeko tetayen kerrvtes. Momen Tewe Sal mek-

kon, Aeha mekko, ce penkahlates! Vnet ahyit, mv este rakkat etepoyares kicvtes. Monis Sal mekko em punayet, mv este rakkat etepoye taye oretskekos, ce'lecvres, kicvtes.

Momen Tewe, Hesaketvmese este-papv nokuse tepakan en kvpvken cv hesayecvtet, vm vnicvres, mekkon kicvtes. Hesaketvmeset mv este rakkat enke en kvpvken cv hesayecvres, Tewe opunayat kicvtes.

Tewe, Hesaketvmese em enhonret, este rakkat etepoyvranet ayvtes.

En horre yekcat eslafkv-cvpko cufunfvske tepaken cvwē tates, mont elecvranet emehakvtes. Monis Tewe cvto-svfvlkvñ cvto tepakusen ocvtes. Tewe Hesaketvmeset em vnicvret on kerrvtes, monkv eslafko-cvpko cufunfvske tepakat em penkvlekates.

En suletawv ehomvn vlakof, este-rakkan vnrpvpranet letkvtes. Momen cvto-svfvlkvñ cvton vpiket es nafkvtes, mohmen cvto ekvn eceyvtes. Mohmen este rakkat tvk lvtiken, Tewe oh letiket, eslafkv-cvpkon a em eset, nokwvn es en tacvtes. Tewe mv este rakkat eleceko tetayvtes, Hesaketvmese yekcetvn e'mekaten omat.

Cehofv oh vkvsymeko en nokkicvre en kvpvken hesakvtes.

Sal eppuce tepakat pvsatkof, Cusvlke Tewen mekkon hayvtes.

---

ESTE HOPORRENEKO NAKE MAKVTE.

TEWE mekko owalv Hesaketvmese pum oh onaye mahet omes. Heyv nake here mahet omes. Momet este nake makvte tis pum onayvtet omes, vhvmkv

## 31 MVSKOKE NAKCOKV ESKERRETV.

este hoporrenekot nake makvte, pum onayet omes. Heyv tes, "Este hoporrenekot e feke ofvn Hesaketvmese sahsekos, makvtes." Este hoporrenekat nake estomen make tayat estimvt keriyekos. Fvccvhakeko opunvyetvt em vtatkvetv tes. Momekv mv tvlkusen vkerricet, lakset, nake mehenweko, hoporreneko sekat tvlken opunvyecet omes. Estimvt nake maket momecet omat, kerrvakat heret omes. Horkopylke horkopaket omes, vkerrylke vkerrake vlket omes. Laksylke mehenwv onvyahkekos. Este ekvsamv nake onvkv sulecet omes, onvkv rvkrvken onayet omes, momen este hacohaky okhackvn opunayes.

Estimvt mv nakcokv esetskat emet hocackvtes maken omat, momet estimvt hoccicekates, estimvt hayekates maken omat, vkvsametske te? Mōnkos, vkvsahmetskekos. Momēt omen omat, estoman heyy sutv vkolaswv es fcke ocat, eto-esse tis, fuswv tis, nake ele-oste rvkrakat tis, rvro tis, canv tis, pvkpke tis yomakat omvlkt emet hocackvtes, hahoyekon, makvke taye haks?

Hesaketvmese sahsekos, maketv mvrahrykv tutcenes.

Opunahoyer makaket sases, momis mv omakat sulkekot omes.

Este Hesaketvmese sahsekos, maken pohetsken omat, lypken em vkuekekvs. Holwyecēs, vhopvnkēs. Momis en homehcetskvs, ehvhnetskvs, momis "Em merrvs, Hesaketvmese," kiev. Heyvn kerrvs, emekusvperekot omēs.

Vpvlwvt efeke ofvn Hesaketvmese sahsekos makakēs. Hiyomen este hoporrenekat maket okvtes.

Este momakat, Hesaketvmese sekate! komakes. Este momakat holwvyeckvn em vlostvket omakēs. Mome estomis holwvyeceyat svrahkvn, Hesaketvmese pu'stemerricvres, komaket penkylaket omakēs. Momekv Hesaketvmese ep ohfvceecvre sekate! komaket omēs. Hesaketvmese ehlekos, vcuhlekos, estofis wenake emunkvt omes. Momekv sekate! komaket es vpeye estomis, like munkv tares.

Vpvlwvt em fulletvn Hesaketvmese sekos es makaket omēs, Hesaketvmese sekon omat, estomet fulle tayat ore heren fullaket omēs. Emekusvpvhkekos. Feksumketvt en cakken omat oh huehkake wites. Este mv omakat, Hesaketvmese ehvnykeko estomis, vrvkkuecvkekot omakes. Sukkv lvkcvn pvpaket omis, vnvtkiset lvkcvpe huerat hehcekos, nake en hecke hompat, mimvt es fekhore sekot fulles; mv omaket omes, Hesaketvmese vkvsymvkeko fullat.

Hesaketvmese em vtotkvkekot, momis heyv ekvny, ena vpeswvn, Este-nekricvn asyomen em vtotkaket omakēs. Em opunvkv hecake estomis em en hervhkekos. Hesaketvmese vnokecvhkekos. Nake sulecetvn eyačvket omakēs, vkvsymhoyvre tis, cvtokunawv tis, vfvcketv yvmv ekvny kice ocat esyomakat vnokecet; Hesaketvmese vnokecvkekot omakēs. En homecvke mahes. Em vhakv vfvstvhkekos. Vnaorkakvte efeke es nokkicaket, naorketv wikvhkekos. Hesaketvmese em estvlke yorecvte, este-nekricvlke tis, vkerricky ocakat em orievkekot omakes. Este-nekricvlke Hesaketvme likat vkvsymaket fekekaket omakēs. Momis heyv este take Hesaketvmese likes kome vkerricakis, afyckvkekot,

momet penkvlvkekot omakēs. Penkvlakuse oceñ omat, lvpkusen ehosakēt omakes. Este heyy oma-  
kat yvmv ekvnv tayet omēs. Nake sulke mahan kerrvkēt sases. Momis Hesaketvmese kerrvkekot omakēs, kerreyes kome, vfekhonnievketv eyacvkekot omēs. Cvtokunawv ocaket, ekvnv ocakes. Momis estemerrakuset omakēs. Cehofv ocvkekot yvmv ekvnvn oh fullet omakēs. Rakke kihocat sases, momen hvlwen kwvwpkakes, momis lvpkusen totkv-  
rakko sufke herat ofvn akhvttpecvres. Mv en svpvk-  
letv senhoneckvkes. Ceme mv fullat toyetska? He-  
saketvmese sekos kometsken omat, cem vretv etice-  
ket vretske tayes. Hesaketvmese vnokecetsket o-  
haks?

---

### PU HESAYECV.

ATVME Ef tepakat holwvyecakekv, Hesaketvmese mv evpofuce vtehkvre en komeket omvtes, Hesake-  
tvme hvsvtket omekv, momet holwvyeckv omvlkvñ en homecet omet.

Atvme Ef tepakat herake hvsvtket vnvcomvn momekates. Hesaketvmese vnokecvkekot omvtes. Momet vkerricetv eyacvkekot omytes, holwvyecvke heret omvtes. Momen Hesaketvmese en holwvyec-  
kv taken 'sen homecet omvtes.

Hesaketvmese eto em ette homipatskvs kicvten hompaken, monkat esaken omat, ce pvsvtkvranvkat tvlkus, kicvtet on kerratsket omes. Monkv Atvme Ef tepakat pvsvtkvranet ot kerrakvtes.

Mehenwvt omes, em puyvfekcv pvsvtkeko tayet omvtes, puyvfekcv estofis hesake munkvt omekv.



Momis puyvfekcv omvlkv Hesaketvmese hvlwe likat  
'rvpaket vpokvranekot omes.

Liketv estepenkylecat totkv-rakko kicetvt liket  
omēs, holwvyecakat em puyvfekcv vpeyvranat, esto-  
fis, Puyvfekcv holwakat, momet em estvlken er vpa-  
ket vpokvranat. Monkv Atvme Ef tepakat holwv-  
yecakekv, mv holwvke ocan vtothoye tayet omvtes.

Momis Hesaketvmese Eppucet mv en kaketv

holwakan em oh merrvtes. Momet hvlwen a lv-tapket, momet estuce haket, momen Cesvs kihocvtes. Momet estemerket arvtes, momet tohweklepkvn oh estemerket elvtes, Hesaketvmese este en naorketvn en kpvpyecicvret. Hesaketvmeset Atvme Ef tepan-kan, vlvkvres, kicvtes.

Pume Atvme en hopuetakuce toyēs. Momen Cesvs tohweklepkvn elkvn 'soh estemerrvtes, pum puyvfekcvn totkv-rakko en kpvken pun hesahue-cvret. Cesvs Hesaketvmese Eppuce pu Hesayecvt omes. Oh vkvsamēt, momet vnokecēn omat, pu pvsatkof, pum puyvfekcvn hvlwe tvlofvn 'res pum orvres. Momis oh vkvsvmēkon omat totkv-rakko en hesahokeko tetayuset omes.

Hvlwe-tvlofv oh vyetv etv sekot omes.

#### HESAYECV ETV SEKOT OMES.

Cesvs hopuetakuce em merruset omes. Hopuetakuce em etektvnecatsken, a vc oh vwepekv, momet 'sen tvcikatskvs, mv omakatet Hesaketvmeseeme tvlofv vpokes, makvtes.

Cesvs oh ayetsken omat, ce hesayecvres, kicetsk-  
kat, Aeha, Hesayecv vn heretskat vn holwvyeckv  
omvilkvn vn kpvpyecicvs, momet vm puyvfekcvn vn  
hesayecvs.

---

#### ESTE-PAPV.

ESTE-PAPV ponvttv em mekkon kihocet os; yekce mahet, fekhvmke mahet omekv.

Este-papv ekvnv lekuthan fullēs. Rvkrvket omēs, momet en nokww-esse cvpcvket omēs, momet ele-kususuww rvkrvket, yekcvket omēs. E cukww rak-

ket, e nute fvsfvket omēs. Esse oklanet, supvkhvtket hvtvm oklvste tis sases. Este-papv hehkate 'senhonecke mahet omes.

Este-papv nere renayvt omes. Netty omof cvto-hauke, hvfvpan esceyet, ehkaket nucicet omes. Mo-mis neren asosset uewvn oh vpeyet eskaket omēs, eskvkofvt uewv tempen elikakēs, momen eco, yvnvsv tis esketv eyacet yicof, oh tasket, ayocet elecet ppakes.

Este-papv vculof, nute en kyceken yvnvsv pvsateko tayes, momet este-lvste eme tvlofv tempen fullt, sukhv, yvpefikv tis, este tis ayocakēs. Monkv este tohopke hylhvwen hahicet, tvlofv em vfilotken ocaket omēs. Vpvlwvt e hute eto yuksvn oh hahicet sasēs, este-papv eto acemecekot omekv.

Cusvlke em ekvny Cotvnē hvtce tempen este-papv svsetvt omes.

Nakeokv-rakko este-papv opunvyece mahet os. Este fekhvmkvke mahe saset este-papv e feken oca-  
ket os, kihocet omes. Este holwvyecvlke este este-  
merhoyusat, nake svpenkvlecaket, este herakat nake  
em ahopvnake fullat este-papv nake esvte komet  
vketece munket ares; mvn es vhopahoyet os. Este-  
nekricv pun horre omet este omvlkvt holwvyecvlket,  
momet enhonrkv tis ocekot, eme omvkvren komet,  
este-papv hehkret arēs. "Mv omet Este-nekricv  
este estomen sumecice tayat hopoyet ares," Nakco-  
kv-rakko maket os. Monkv Hesaketvmese emeku-  
svpvkers, Cesvs vrakhvn, heyy holwvyecv puna pum  
puyvfekcv 'svpyke pu sumecice tayat en kvpyken  
epu'cayecvren.



### RVTCE-KUPHE.

HİYOMAT rvtce-kuphe cem ohonayvranvkis. He-cvs rvtce-kuphe vhake tes.

Rvtce-kuphe nake rakket omes. Corakko 'sen hvlwet omes. Ekv cōtkuset, e nokwv cvpket, kuphe rakket era oh liket omes.

Rvtce-kuphe nak-se-emvnicky heret omes; em vpeswv hompetv heret omes; e pese eskety heret omes; esse kapv-haky es hayetv heret omes.

Rvtce-kuphe kaccv, este-papv tepaket hompetv eyace elecat ohmekos. Monkos, rvtce-kuphe nettv omvl' este em vtotkat vtotketv es enhoriyekos.

Rvtce-kuphe pphen, nak-essen, tvkliken esyoman hompet omes. Rvtce-kuphe newv eskekis, nettv cahkepat aret omes.

Este sulket rvtce-kuphe ocaket Alepvlke hocef-

kvts. Rvtce-kuphe hopvye mahen vpeyet omes, momen honnen sapolicet oktahv-rakko 'sete hooyne-hocet omes.

Alepvlke ueww ehvlewv eshokkolat svpeyaket omes. Rvtce-kuphe oktahv-rakko oh yvkvpvre ele here en hahoyvtet omes.

Alepvlke estomet oktahv-rakko ete hooynekot omēs, rvtce-kuphe heran ocekaten omat.

### FUSWV TAFV HERE.

HEYVT fuswv rakke mahat vhaket os. Uehatkv tvpalvn ekvnv hiyan fullet omes, momen Wahvlfvccv ekvnv likan lopuckuset fulles. Rakrvketvt omes, momet rvtce-kuphe omet, ueww eskekis, hofunen fullet, momet ekvnv oktahan fullet omes. En hylwe estele-vhopaky palis sases, momet yekcvketvt omekv, este hokkolet ohkakis es letkes. En heckv lastuse, hololotcuset omes, momet e tvrpv esse e hvce tepakat hvthicet omes. Esse telēkmuset omes, momen heyy fuswv honhoyetvt omekv, tvmceekot omes. Momis corakko pvfpvne mahat sem pvfpvnet omet, fvccvn ayen omat, naket cvkikekos, momis hoporrenvkekot omet, kololuecet fullen, cakket psvthoyet omes. Heyv fuswv oktahan korret, em puknvkv hayaket omes, momen sulket em puknvkv hvmkusis etem oh kayaket, echustake pale cahkepen, monkat pale epakis puknvkv hvmkusat vtehet omakes. Echustake estuce ekv en rakke omaket, momet hompetv tis heret omes. E hvrpe lanvket, momet tvkvctvwet omen, ueww es esketv tis hahoyet omes.



Tafv-lvste es fulhooyvnto heyy fuswv e tafvt omes.

Nakcokv-rakko heyy fuswv opunvyecat, "Mvt echustake ekvny ofv wicket, momet ēssu ofvn hihoyi-  
cet omes, momet elet wokuce tayat, monkat ele-oste  
tis tvkohlice tayat ehoset omes. Echustake enake  
toko omecet, vnokecekot omes.

Heyv fuswv hompetv em vlostuset omes, momet  
hacohakuset omekv, nake estomen em vpvlvthoyis  
oh tasket loket omēs.

Este mvnettvke, vculakis, Este-nekricv em vtot-

kvlke mv fusvw omaket, nake holwyeckv em vcahnat vtekat, oh tasect omes. Momekv mv fusvw omaket omes, eto-cvsketv tis, cvto tis, vcopy tis nokmelaket omakes, cepane okhacusis em vpvlatafeme es afvckept tvlkuse.

---

## UEKATCV.

UEKATCV nake esherakuset, momis cvpvkhoketes, Cusvlke em ekvnvhvlwe eto vlhekan.

En rakrvke efv rakrakat en rakke omaket omes. Momis pose omet omes. Pose omet ayopket fulles, momet etou vcemecet omes. Momet pose cesse emehakovnto omet, nake emehaket oh tasket, ayocet omes.

Hesaketvmese oawl Cvlemia em onayvtes.

“Momekv este-papvt eto ofv aosset pvsvtvres, momen nere yvhvt estemerrykuecvres, momen uekatev tllofv vhecicen este estimvt tllofv ossat vtekat lvtahlecres, en naorketvt sulket ok, momen pylke fulecakat ohvtvlaket ayet omekv.” Jer. 5:6.

Momen ahvmkv Cusvlke Hesaketvmese ehosaket, nake vhake emekusvpakof, Hesaketvmese oawlvn Hoseyvn ohtotvtes hiyomen nake en kerkuecvranan.

“6 Fycecakytes, efeke hvlwecakytes, momekv vne cv hosaket omakytes.

“7 Momekv este-papv em e omecares, uekatcv omit nene tempen vketecares.

“8 Nokuse echustakuce en cvwhoye omit vnrvpares, momet efeke ohrvnkvn ltvhlecares, momet



mvn lokares este-papv omit; ele-oste honecatet lv-thlecres.” Hos. 13:6, 7, 8.

Uekatcv en hocce h̄ruset omes, lane lvslvte es hoccet omet, hololotcuset omes. Hiyomet en hoccv cahmeliket omekv, uekatcv nake ele-oste emvrah-kuset omes.

“Este-lvste e hvrpe etice taye haks? momekat uekatcv en tokohle etice taye haks? Mome tayen omat, ceme take nake holwke vfvstetv es emunk hayatskateu nake hēren vfvstatske tayes.” Jer. 13:23.

Pume uekatcv tokohle lvslatat uewv ’sem ok-koseye estomis, en hoccv vslehēkos. Momis Hesaketvmese en yekcetvt momece tayet omēs. Momekv nake holwke vfaste es emunk hayeyet omen omat, nake here vfvstetv pun yekcet omes. Momekv Hesaketvmese emekusvpvraneyet omes, “Feke hvsvt-

ken pun hayet, puyfekcv mehenwvn pum oh mucv-secvren.”

Heyvn ce hohsvkates, holwvke fulletvn esker-ratskyten omat, yekce hēren vnrapet wikkranatsket omes. Momatskek on omat, ece 'culakykofvn holwv-yeckvu ohvtvlaket ayvres, momet etv hakeko wites.

Hesaketvmese mekusvpvs, momat mvt cem vni-cen, nake holwvke vtekat en homecet, wicket, nake here mehemwe fvece ocan vnokecet, omvlkvñ vfyste tayen ce hayvren em'pohvs.

Hesaketvmese Eppuce Cesvs Klist pu Hesayecv em vhakv este omvlkvt, tvlwavlke omvlkvt kerraket vfystakof nettv heraket omvres. Este omvlkvt Cesvs vnokecaket, emeu etenokecaket omvret okv.

“6 Yvhv yvpefikucen vpokvres, momen uekatev cowatucen em wakkvres; momen wakuce este-papv wakuce-neha etohkylket lumhvres, momen estucet evpvyyvres.

“7 Wakv nokuse tepaket nanopvres, echustakeu tohkylket lumhvres, momen este-papv wakv-vtotkv omet pphen pvpvres.

“8 Momen estuce pese-cokusat cetto em vhau-ken oh ahkopvnvres, momen estuce pese-wikusat cetto huten enke oh wvkecvres.

“9 Vm Ekvnv-hvlwe hvsatkusate vtekat ofv na-ket en nokkicekares, momet vhovnekares. Cehofv ohhoporrenkvt uewv uehvtkv ohranat omet, ekvnvn fvcecvret okv.” Hesvyy 11:6, 7, 8, 9.

Heyv oketv vfackusat orvranet omes. Este Cesvs vnokecakat heyv nettv hecvranet omes. Yvmv ekvnvn heyv nake momvranen okvtes, Tvlwv cahmelike Cesvs em opunvkv-hervn kerraket, vkvsvmakof horre

wikvres, momet etohkylket ete'ncakuset fullvres, ete'n hompaket fullvres. Momekv heyvn okvtes, nake 'senhoneckvken svhopayet okvtes. Tvlofv estomet Cesvs em vhakvn vfvtaken omat, estofis heyvt en cakket omes. Hiyome mv opunvkv-herv pohvkeko munke vpokakat momvkekot omakes, momis ete'n horkopaket, ete pvsvtket, ete wiyaket komis, momecaket ete'stemerrvkuecet omakes. Nake heyv omakan Cesvs em vhakv vsehet omes. Momekv mvn este kerraket vfvtakof, herkvt vlaket omes.

Momis heyvn vtekusen mv herkv sumket ome-kos. Mv Cesvs oh vkvsvmakvte ena ēle estomis, hesahoket emunkvt omvres.

### NAORKETV ENKVPVKETV.

Pu feke em munkv holwvket omes, momen pume etawv tat hervken hayeko tetayet omes. Nettv hvniken fvccv heren vkerricet, momet fvccv heren nake celayetvn kometske estomis, momehcetskekos, Hesaketvmeset ce mvnicekon omat. Momen vn hesse toyetskat, Hesaketvmese cen naorketv omvl-kvn en homecet omes. Pu feke holwvhokat esto-meceyvr haks? Estomecet mvrahkueceyvre te? Estomet pun naorketv pun kpvkvr haks? Hesaketvmeset okat, cen naorketv ce feken es nokkicvks, maket omes. Mv momeyat pu 'stemerrihocen, momet nake holwvke tis 'poh vlaket omekv, mv vrahv-kvn pu feke nokket omes. Efeknokketv yv omat fvccv tokot omes.

Vn hesse toyetskat, efeke-nokketv heyv omat

pum munkv tat ocekot omes, Hesaketvmese em Puyvfekcv Vcakat pum vnicet omekon omat. Momekv Hesaketvmesen Puyvfekcv Hvsvtkat pu'mvren emekusvpvraneyet omes. Pun naorketvn vnokecye munken omat, pun naorketv pun kypvkeko munkvt omes.

Hesaketvmese emekusapetsken em Puyvfekcvn ece'pvyecicet, heyy nake ce mvhayekvs, momet ce feke holwakat ce hecicet ce kerricekvs, momen, cen naorketv ce hecicen, ce Hesayecvt cen kpvpyecicvren estofis oh hecetske emunkekvs.

## CETTO.

WAHVLV Ekvnv Ekvnvfske 'res en hopvyen Ekv-nvfvsket Rakkot oet omes, Este-cate tvlofn.

Mvn cetto cvpcvkvet Estvkwnayv kicetvt fulles. Mv cetto en cvpke estele-vhopakv pale cahkepat 'sen hoyvnet sases. Ena eto en rakke omet omēs. E cukwv rakke mahet omēs, e nute fvsfvket, acopy 'sen rakrvket omēs. E turwv hvyayvhoket omēs.

Mv cetto elawof, nene tempen eton vcemket, lvtcen oh wakkes, momet wakv, corakko, este tis eto elecvn hoyanof, oh tasiket, wvnahyet, elehcet nokmēles, momet nokmelof hvfvpn ehket, nettv sulken wākkēs, mome mvketekof eshechoyen omat, elehocēs, e emvniceko taye hakekv.

Cusvlke em etvlofn cetto tayent fullvtes.

Cetto ohfvccv nanvke sulken nakcokv-rakko pun kerkuacet os. Momet este naorkylke mv omvken kicet os. Momet naorkylke em punvkv mv cetto

este akke en holwvke omēs, kicet os. Eslevlke ekvn-kvrpe tehoynecof, Hesaketvmesen vnaorkakvtes. Momen estemerrvkuecvranan cetto totkv omvken, a ohtotvtes akkvkvranan, momen este sulket pvsatvtes. Momen mv cetto akkat naket en wiceceko tayen hecakof, Moseskvn a oh ahwet, "Naorkēs, momet Hesaketvmese vnrpen, momet cemeu ece'nrvpen opunahoyes," makakvtes. Hesaketvmese emekusapetsken, heyy cetto pun kpvpyecicekvs, makakvtes. Momen Moseskv este em emekusapvtes. Momen Cehofvt Moseskv em punayet, Cetto totkv omen hyyvs, momet eton ohtvrvs: momen ocvres, mv este cetto akkat vtekat, mvn oh hecof, hesakvres, kicvtes.

Momen Moses cetto vhake cvto-lanen es hayvtes, momet eton ohtarvtes. Momen ocvtes, cetto este estomen akken omat, mv cvto-lane cettom hecof, hesakvtes.

Cesvs Nekotemvse emvhayof, heyyohonvkvn opunvyecvtes, yvmv ekvnv em vtatkvetv oh hvyayicat. Eslevlke mv cetto akkat em wiceceko tayat etvpomen, este estomet em puyvfekcv naorketv en kipyeciceko tas. Monkv cvto-lane cetto oh hece hesahokvte etvpomen, naorkylke Cesvs oh hecet, oh vkvsamat hesahokes.

14 "Momen Moseskv vnrwwv ofv cetto kvwapvto etvpomet este Echusww kvwvpkvranel os,

15 Oh vkvsamat vtekat estemerkekot, momis hesaketv yuksv-sekon ocvren.

16 Hesaketvmese ekvnv vnokece mahet omekv, eppuce hvmkuse heckuecvte emvtes, mvn estimvt oh vkvsamat estemerkekot, momis hesaketv yvksv-sekon ocvren."



## HACKV.

ESTE-HACV toyvkares, kometsket on omat, momet yvmv ekvny ce'stemerruset hueret, momet ekvny hvmkeu emeyuksv seko ce sumkvre ce yacekon omat, uehome lvhsetskvs, momet nake este hacece tayat celahyetskvs. Este eskakat vpvke vhrets-kvs, momet uehome sasat oh vhyetskvs. Estomuse estomis esiketskvs. Estomusen este esket o estomis, ohvtvlaken esket vyecicen, ohvtvlaken esket vyecicet, este-haco mahhe haket omekv, celvyekot lasekot huervkat tvlkuset, mv nak' esketv homat emvnvttet hueretvt os. Nakcokv-rakkot okat, este horkopvlke, monkat este hacvlket o estomis Hesaketvmese 'metvlofv esceyekos, maket os. Hoktarkv nakvhake-mekusvpkv, porkv, homeckv, eleckv, hac-kv, mv nake mv omvke momee sasat vtekat Hesaketvmese' metvlofv escehyekos. "Horkopvlke tis, holacvlke tis, hacvlke tis, tvlke cvlke tis, monkat mvkerrvlke tis, Hesaketvmese me Tylofv escehyekos." Nakcokv-rakkot maket os.

## HOTVLE.

HOTVLEN pohvs! Estimvt hotvle hayvte te? Hesaketvmeset hayvtes. Hotvle momekvs koman hotalet, momet momekvs komofvn fekhonnet omēs. Vnehkvn hotvle hehcvko tis, estvmivlkis vm vfolotet hotalet omes. Mvtvpomen Hesaketvme se nak' omvlkvvn hecet kerret omēs. Ahuyiret vn topvn en kypakvyat cv heces, vtotkvranit, monkat ahkopvn-vranet ayvyat cv hecet, hvtvm wakkvyat cv hecēs. Hesaketvme se nake estomvyat omvlkvvn kerret on omat, nake makvyat kērres. Aeha, opunvkv holwahoken opunayit, momet vretv holwvken arin omat, Hesaketvme se vc vnokecekares.

Ps. 139 :1. "Cehofv toyetskat, vc ofvn cv hopoyet, cv kerretskes.

2 Likit, hvtvm a huervyis cv kerretskes, vm vkerrickv hopvye tis kerretskes.

3 Vn nene, momen vn wakketv tis vm vfolotet, momen vm vretv omvlkvvn vn kerretsket os.

4 Cehofv toyetskat, opunvkv cv tulaswv vtehkat kerretskeko sahsekot ok, omvlkvvn kerretsket omes.

5 Cv yvpvt ot, cv homv tis, vm vfolotetskvtet omes.

6 Nake kerretv *heyv omat* estomahet, vc ohfvnkes; hylwet omes, mv *oretv* estohmvkos.

7 Estvmvn ahyit, cem Puyvfekcv en kypvkar haks, hvtvm estvmvn vletkit, cen renakv en kypvkar haks?

8 Kvwpikit hylwe-tvlofn ecchyvis, mvn liketskes; totkv-rakko ofvn vn topv hayvye estomis, heevs, liketskes.

9 Hvthvyvtke e tvrpvn ocit ayit, uehvtkv hopvye  
mahan likvyisem;

10 Mvt o estomis cenket cv yvpvyvres, momen  
cenkvpervt cv hlvltvres.

11 Mehenwvn yomucket vc vyokkofvres, makin  
omat, nere tis hvyayvket vm vfolotet omvres.

12 Henka, yomucke naked cem ehhekos, momis  
nett vomet nere hvyayvket omes; yomucke momen  
hvyayvke tepakat momvlkuset *os ce homv*.

23 Vc ofvn cv hopoyvs, Hesaketvmese, momet  
cv feken kerrvs, vc ohfvececv, momet vm vkerrickvn  
kerrvs.

24 Momet hecv, vretv holwvke vc vpiken omat,  
momen vyetv emeyuksv sekon cv yvpayet 'vc vyvs.'

## KE-RAKKO EM VPE.

6 CESVT heyy opunvkv-svhopakvn es ete'm pu-  
nayvtes. "Este-hunvnwv hvmket ke-rakkon eme  
cvpofv ofvn vhocet ocvtes. Emet vlaket, momet em  
etten vhopoyvtes, momet sekon hecvtes.

7 Momof eme cvpofv-vfastvn kicvtes, Hecvs,  
heyy ohrolope tutcenat heyy ke-rakko em ette vho-  
povyat vlakit omis, momet sekon hecis. Tvcvs,  
estomen ekvnvn yvmahke haks?

8 Momen emet em vyoposket kicvtes, Pucase,  
heyy ohrolopen hvtvm wikvs, vnakvn korrit, vlekwi-  
cares.

9 Momen em ette hayen omat *heres*, momen  
monkon omat, mv eryupvn tacetskvres."

Vn hesse, cemet ke-rakko Hesaketvmese eme



cvpoivn hueret ometskes. Momen Hesaketvmese cvpofv Pucase tes. Mvt yvmv ekvnv ofv ce hueracet omen, opunvkv-herv vhesaketv Cesvs es vlakvte pohet ometskes. Ohrolope omvlkvn Hesaketvmese fvccetv em etten hayetskren cem etektvneet omes. Heyv ohrolopet es cen poke tis omepēs. Heyv nakcokucet espoke em penkylke ofv hueretskat, ce mvhayat tis omepēs. Momet omekv, oketv cem etektvnke munkof, mekusapv hakvs; mometsken omat, nettv espoket vlakof, ece'fvcke tares.

---

### NETTV ESPOKE.

CESVS estvn hiyomat like te? Hesaketvmese em akvpervn likes, momis pu heces, ekvnv oh fulleyat. Mekusapeyat pum pohes, epu'nokecet, pum emekusapet omes. Cesvs yvmv ekvnv hvtvm vlakvr haks? Henka! hvtvm 'rvlvkvres nettv espoke omof, ekvnv ohfvcccecvranet.

Estuce 'stemerkuse hotosuse ont, hvtvm 'rvlvh-kekos. Hvtvm 'rvlaket yekcetv, afvcketv rakken ocet vlvkvres. Nettv espoke omof, em estvlke vca-cakat vpaken vlvkvres, momof em afvcketv aheckue-cvres, hakety hakof. Momen este-hopelkv omvlkvt en haukvkvres, momen omvlkvt psvtakavte e homvn svpvklyres. Cemeu nettv espoke rakkat omof, aretskvres, momof ekvvn totkv es nokrvres, momen sutv holattat omvlkvt sumkvres. Mv nettv rakkat omof, Cesvt este em puyvfekev omvlkvn ohfvecccvres. Momis estimvt vnokeevt on omat, kievres, "Eceyvs cen Hesaketvmese em afvcketv ofvn." Momis vnokecvkekate, momet holwvyecakvte totkv-rakkon vk hvtvpecvranes, nettv espoke orof. Cesvs hocefkv eteropotten Hesaketvmese emekusvpvks. Hiyomofvn vkvsmatsket on omat, cem puyvfekev hesakvres makvtet os.

Cane en Kerkueckv 20:11. "Momen mekko-em-ohliketv rakke hvtken hecbynks, momet oh lika-teu; mv ehomvn ekvvn hlvwe esyomat em vkueye-cvns, momen estvmvn fekhonne tayat sekvnkes.

12 Momen psvtkat lopockuse rakryke esyomat Hesaketvmese ehomvn svpahlen hecbynks; momen nakcokv en hauhakvnks. Momen nakcokv etvt en haukvns, mvt hesaketv nakcokvt; momen psvtka-kat mv nakcokv es cokvte aossen ohfveccakvnks em vtotketv take vcvkvyen.

13 Momen uehvtkv psvtke vk ocvte a wikvnks, momen elkv totkv-rakko tepakat psvtke ocakvte a wikakvnks, momen este vtekat em vtotketv take vcvkvyen ohfveccakvnks.

14 Momen elkv totkv-rakko tepakat vkhvse-

## 54 MVSKOKE NAKCOKV ESKERRETV.

rakko totkvn vk pvlatkvnks ; heyvt elkv svhokkolat tes.

15 Momen estimvto estomet nakcokv hesake ofvn es hoccekon omat, vkhvse-rakko totkvn vk pvlatkvttes.'

Cane en Kerkueckv 21 : 10. "Puyvfekcv ofvn cv vpahyet, ekvnhlwe rakke mahen 'res vc vcemiket, mv tvlofv rakkat cv hecicvnks, Celuslvme tvlofv vca-  
kat hvlwen a hvtapken Hesaketvmese a en kvpaket.

11 Hesaketvmese en hvyayvke ocet, momen en hvyayvket cvto vcake mahat, momet cvto caspv omet, estakheckv en hvyayvke omet.

18 Momen mv em vtohopke caspv es hayvkvtet, momen etvlwv cvtokunaplane mvketeket, estakheckv en hvyayvke omet omvnks.

22 Momen emekusvpkv-cuko mv ofv hecvkvnks, Cehofv Hesaketvmese, yekcetv omvlecat, momen Yvpefikucet emekusvpkv-cukot omekv.

23 Momen mv etvlwv hvse, monkat hvresse tepakat ofv hvyayicvre eyacekot oh hvyayicekot omvnks. Hesaketvmese en hvyayvket oh hvyayicet omekv, momen yvpefikucet mv en hvyayvket omekv.

24 Momen Tvlwvvlike hesahokat en hvyayvke ofvn yvkvpvkvres.

4 Momen Hesaketvmeset eturopuswv eturwv en hvsvthicvres, momen efeknokketv, hvkihkvetv, elkv tis svnveomv sekares, nake en homv ocvnke eshoyvnepekv.

25 Momen *tohopke* em vhauke nettv estofis vkhokvte sekares, nere sekot omekv.

27 Momen nake esvholwvyecat, estomet eceyeko tayet omvres. Monkat holwvke este laksylke vtot-

kat, monkat lvksetv hayat, holwvyecvlke esceyekos,  
momis Y pefikuce en nakcokv hesake 'soh cokakat  
esceyvres."

---

## HESAKETVMESE ESTOMIS HV MECICET OMES.

1. NERE yomucke herat tis,  
Hvmket arvyat hece haks?  
Henka, Hesaketvmeset  
Neren nettv omen heces.
2. Eturwv omvl' nucicof,  
Este vm vnvtecekat,  
Nak' mecenvn komvyate,  
Mvn momecvko taye haks?
3. Hekos, Hesaketvmeze  
Est' vketece munkvt os.  
Est' em puyfekcv omvl'  
Mvt heren kerre munkvt os.
4. Vnrvwv este vrvte  
Sekan 'rorit, mvn ehkvyis,  
Mvt o estomis vn tvlkeks  
Cehofvt vm afolotes.
5. Hvlwen afvcket liket os,  
Totkv-rakko tis hecet os,  
Estomis hvmeccet os.  
'Stomen en letkvko tayes.
6. Momis letkvye tayet os,  
'Stvn vyetvn cv kerrices,  
Cesvn oh letkvs, cv kices,  
Heren vc vcayecvres.

HOPORRENKV PUNVKV.

1:5 ESTE hoporrenat pohet, nakkerretv olvtv-layes.

1:17 Cehofv em penkvlkv t hoporrenkv vliceckvt omes; momis este hoporrenvkekak hoporrenkv herat, momet nake emvhahoyat em vlostekot omes.

2:6 Cehofvt hoporrenkv herat emet omekv.

3:5 Cehofvn vfekrvkkvs ce feke 'somvlkv n.

3:7 Cehofvn em penkalet, holwakan en kpv-kvs.

4:14 Este holwvyecv en nene vpihketskvs, momet este holwvyecvlke em vpeyettv vhyetskvs.

4:23 Ce feken omvlkv n vketecet, vcvyecvs, mv aossen hesaketvt omekv.

10:12 Holvckvt etehvnkv hayet omes; momis vnokeckvt holwvyeckv omvlkv n ohranet omes.

10:23 Este hoporrenekat naorketvt es em afvetktvt omes; momis este-hunvnwv nak' kerrat hoporrenkv n ocet omes.

12:19 Cukhvrpe faccat estofis oce munkv tares, momis etulaswv laksat vkocoknusen omes.

14:9 Hoporrenvkekak naorketv nak' hayakekot omēs.

15:3 Cehofv e turwv hvmeccet omes, holwakat, momet herat hecet omes.

16:18 Ekvsvmkv t sumketv ehomvn ayet omes.

16:28 Este-hunvnwv holwvyecv etehvnkv n ahocet omes, momen este en wswakvt eten hessvlke rakrvken etekvpicet omes.

20:4 Hopuewuce tis nake vfastat es kerke omēs, em vtatkvt hvsvtke tat, momen fvccv tat.

20:13 Nucky vnokehcetskvs, estemerky em vlah-  
ke witetskes ; ce turwvn en hwwecvs, momen tvklike  
cem etetayvres.

22:6 Hopuewuce vye tayan emvhayat vfvtvs,  
momen emet vculis emet en kypahkekos.

## SATKV.

NAKCOKV here oh onvyeyvre vrakv, satkv cokv  
ofv ocat vtekat omvlkvn kerrvraneyet omes.

Ltv etohkylkat punvkvn hayet omes.

Punvkv etohkylkat svntvns hayet omes.

, Heyv satkv kame kicetvt omes, momen *a* ma-  
ketv en hofune omen fekhonnetvt omes.

; Heyv satkv semvkolvn kicetvt omes, momen  
*a a* maketv en hofune omen fekhonnetvt omes.

: Heyv satkv kolvn kicetvt omes, momen *a a a*  
maketv en hofune omen fekhonnetvt omes.

. Heyv satkv pelevt kicetvt omes, momen *a a a a*  
maketv en hofune omen fekhonnetvt omes.

— Heyv satkv tas kicetvt omes, vhofune fek-  
honnetvt omes.

- Heyv satkv hifen kicetvt omes. Heyv satkv  
opunvkv hokkolen etenrvwvn ocet omes, hvmket  
opunvkv es wakke hvmke eyuksvt on, hvmkat enhv-  
teceskvt on omat, momet opunvkv hokkolen etehv-  
lvtet hvmkusen hayet omes. Hiyome, svtv-rakko.

' Heyv satkv cokv, monkat ltv hvmket sekat  
kerkuecet omes. Hiyome, nak'.

" " Heyv satkv opunvkv cokv etv aosse tat es-  
kerkv opunvkv eslirkv ehomvn eyuksvn tepaken ocet

omes. Monkat este tis ete'm punahoyen omat, este nak' makat vtekat enhvteceskvn eyuksvn tepaken ocet omes.

! Heyv satkv opunvkv, monkat svntvns eyuksvn ocet omes; vkerricky ayvkhvmkv eskerkvt, momet hvtvm vhofune fekhonnetv eskerkvt omes.

? Heyv satkv nake vpohetv eskerkvt omes.

& Heyv momet, monkat momen maketvt omes.

&c Heyv momen vpvlwv maketvt omes.

( ) Heyv satkv opunvkv etenrvwvn svsekket omes; opunvkv vpvlwvn kerkuecet omes.

\* † ‡ Heyv satkv, heyv cokv elecvn naket ocat eskerket omes.


Svntvns vliceccetv, momen este hocefky, etvlww hocefky, hvse hocefky ltv rakkaten ehomvn licetvt omes. Hiyome, Cane, Rekackv, Uecate, Hwyuce, &c.

Coyetv kerretv ekvnv oktahan tvpeksvhcet eto-kvcken es coyetvt heret omes.

## ERKE EPPUCETAKEU.

CEPVNVKE hokkolet welakvtes, eckvlke emekusa-pvlket omet, enake ocvket omvtes. Momen heyv cepvnvke escvleckv-pvfnvn vtehket welvketvn eyacvke tates, Nettv-Fekepkvn, momis eckvlket em vkv-svmekates.

Estvtis welvkekot kaken Nettv-Fekepkv orekv, Nettv-Fekepkv estomis escvleckv vtehket welvkeye tayes makaket omis, eckvlket en komeko tetayvtes. Erke vhaky esostan vkerricat, Vntvlkuset Hesake-tvmese en nettv vcayecvrarin okekates. Momis



evppucetake, cvchustvlke, vm vtotkv-hunvnwv, vtotkv-hokte tis, momen vm wakvlke tis, mv nettv fekvpvranen okvtes, komvtes.

Momekv en cepvnvke nake em 'pohakat em apolichvkekates. Momusen cvpvkhokvtes, momet pume komeyat welakeyvres komakovtes. Momusen uehvtkv perro vk etefullan vhoyepvtes.

Momen sumhokateh, erkenvkv, Cane Kefen kihocet, uehvtkv afopke like tatet on, mvn en kerkuehocvtes, hopoyet, eshecen omat afulhuecetvn komvren kihocvtes. Momekv hopoyet aret, perro 'mehake este vpokan kaken eshecvtes. Momusen ete'm punayvtes, "Fulhokatskat mit cen hervke tayet os," kicet, momis ehvperkv punayvtes. Nake komakat mit 'sohfveckvren vyekcvke tates. Momekv heyy erkenvkv opunvkv herakuse 'sem punayat Momen oks komaket omis, Mohmeyetvn okhos komkekates. Yefulhokepvre komat em vcalne munkvtes. "Ceckvlke em vkerrickv em vhapanuset seho-

ket omatskes," kicvtes. "Vkerrihcvkes," erkenvkvt kicvtes, "Cecketake ece 'hecicvket, cem emekusa-pvken, ohrolope sulket hoyanes. Momen liyomat em vtotketv tate sohfvcken es afvckvkvranvte mun-kan, estemerky min e oh vlvkuecatsken hecat, este-merky rakke mahen cecke mahvkvu en heckuecet omatskes, kicvtes. Nake 'se naoricky sulke estvma-hen ec oh sumecicvket omat, en feketv hiyomen es em feket omatskes," kicvtes.

Hvmmaket ete'm punayof esmvnettusat, Mon okhos, kont, momusen efeke en kafken hvkihkvtes. "Tayen vm mvttet huerit omvyvtet kerris, momen ev feke vm vhapanus" makvtes. Momet fulkepetv vkvsamusvtes.

Momis 'sveulicusat vyetv vyekce here munkvtes, opunvkv herakuse 'sem punayet estomehoceko tayvtes. "Escvlleckuce vm encahokvnks, momen uehvt-kvn vyetv komvyvnkek, vyvranyat tvlkus," makvtes. Momet, "Vnen vc vcvk vtes, ev huten, momen perro-cuko tis vpikit, este somusis vretske tayen cen heckuecares" kicet omis, momeko tayvtes. "Cvc-klket perro-oh-vtotkvlke ont sumkvnks ev komkvren komikv, perro-oh-vtotkvlke omet vyepares," makvtes. "Momet cem vkerrickvt on omat, vyvnos ce," erkenvkvt kicvtes. "Hesaketvmese ce 'pakvres ce kicet omis, cen naorketv tat ce cakke ocvres. Mo-men Hesaketvmeset cen naorketv esvrahkvn ec oh fvcccecvres," kicet, momusen en kvpakvtes.

Momis e cuse tat eckvlken ohfulkepvtes. Momis e rvhv estvn ayat kerkekok' estvn elepvtes, komhoyvtes.

Momvte hofune hakof, mv erkenvkvt vhauken a

em vnafce sasen pohvtes. Momet, vhauke hwwec-hoyen, este perro aosset aret ohmvten hecvtes, momen ete'm punayat, "Este mvnette hvmket elehocvranen liket, ce hecetvn eyacet on, arit omis," kicvtes. "Mvn hecvkon omat, vc afackuset cv 'leko tetayes," maket okes, kicvtes.

Hofunusekon erkenkvperro-cuko vk likan 'rorvtes, mont heyv este mvnettatt vhecihocen liken hecet omis, kerrekot, "Vn hesse toyetskat, cen cv merrus, momis ce kerrvy sekokv, estomen vn huehket oketskat kerretvn cv yaces," kicvtes.

"Potse tvlofn erkenkvye tvnkekv, momof cv hecetskvt haks?" "Monks, erkenaketske pohvyvte sekos." "Monkv cv kerretske seko haks"? kicvtes. "Ce kerrvks, erkenvka," makvtes. "Hofunof cepnvke hokkolet sumhoket welaken eshecet, Fulhoke-pvks ceckvlke kakan kicet, fulhuecetv komet, em vcahnetske ocekat haks"? kicvtes. "Mucv kerris" kicvtes. "Monkv, heyv cen huehkyyat, espoken ce te'm punayit, nake 'svn hervren vc ohtohketske cem apohicvko ocvte vtekat, nake vne 'svn hervren vc ohtohketske, cem apohicvko ocvte vtekat, nake vne 'svn hervren oketskvtten mucv kerrit, cen kerkuehcet, cen kypvkvetvn komit, cen huehket okis," makvtes. "Nake v'mvhayetskvna cem apohicvyyte! Momis hiyomat vkerricit estohmvkos. Oketv hoyneps. Vn naorketvt mucv es cv heces. Hesaketvmeset vc ohfvccet os. Momen, Cv hute vc vcvk vyvs cv kicetskot omis, cem apohicvkot, momen cv hocefkv tis etvn hahiyit ayvvytat, hiyomat este vm merrvre sekon, este cv kerre sekon, cv'lvranaet os," makvtes. Momusen erkenkv Kefen, e feke es nok-

kicuset, vpaket em emekusapvtes, momet em vcahnvties.

Momen momusen oh vkhottephohyen, erkenvkv kwpetvnen te'm punayvtes, "Heyv este mvnette estemerkat estomet hesakeko taye haks"? kicvtes. "Estont hesakeko tetayuset os, mekkvke vhakv hayat, Estimvt heyy naorketv momecen omat, elvres, maketvt omepe tvnken, mv mahusan e oh wikepet omepekv, estohmet hesake tayat kerreskot os," makvtes. "Momekv hiyomat nakeokv en nene hecet vpoket omes, elecvraneyat," makvtes.

Erkenvkv, Momis Lvntvn tvlofn vhyit mekkvlke er vhuyirit ete'm punayvyit, hecares, komet ayvtes. Monkv mekkvlke hvmke ehomvn er oret en kerkuecvtes. "Mv este mvnettat en nakvlke tis em onayat estomet hesake tayen omat kerretvn komit arit omis," makvtes. Momis mekko opunvkv em ayoposket, "Elvranen nakeokv ayecciceye hooynepekv, estome tayat kerrepvks ce, momis nvkvftvranekv, nake kerkuecetskat kerkuecin, mekko-rakkat polvres, momen hesayece tayen omat, pohetskres," kicvtes.

Momen erkenvkv 'rvtepēt 'rvlakan mv nettvn mv este elehocvranen pohvtes. Momekv lvpkusen mekko em punvkv vlvkekcon omat, hesayecen ome estomis, elvranat tvlkusvtes, oketvt vlvkepekv.

Momet erkenvkv perro oh ayet 'roran, este vcullet, efeke en nokkusen, hvkihket, perro en kwpaket ayen hecvtes. Momat mv este cepanat erket ohmvten kerrvtes, espoke eppuce ete'm punayet vseket en kwpaket omvtes. Hesaketvmese em penkvlkv mvnettuse twvv evpyye mekusvpkv-cuko 'soh aye

'sarvnnaat aret omvtes. Momen en sumikof tis, 'svrahkv em emekusapvtes, "Hesaketvmese, Estvmvn cvppuce are haks"? maket, momet hiyomat esheecet omes, svnvcov teheceko tayet te'n kypvkvranet tehecvtes. Momusen perro wicket omvtes.

Momis erkenkv perro 'receyan, elecvranet metetakuehocen 'rorvtes, momusen este mvnettatt yvmv ekvnv en kypahket, Hesaketvmese ehomv er huervranat vwolicusvtes. Momis hiyome mvketekof hesakvre mekko em punvkv pohiken, hesakvtes, momet nettv sulken erkvlke er vpvkepvtes.

Heyy este mvnettatt erkenkv ete'm punayan em apohicet, e cugen vcvk fulkyten omat, efeknokketv momvtekat eckvlke oh cvkkuecekvnt os, momet emeu nake holvwke momat e oh cvkkuecekvnt os.

Este mvnettvle nake kihocat apohicekot, nak' herekis e en cakkuecet omēs.

## HOKTUCE ENOKKAT.

Mv hoktuce hecetska? Henka, hecis. Enokket ot en topvn oh wakket omes. Ecket em vtvkhvken likes. Momis e'mvniceko tetayus. Cemehkvn, mv hoktuce em vnicetske tetaya? Hekos, estimvt e'mvniceko tayes. Hesaketvmese tulkuset momece tetayes.

Cemet ce nokken, vneu cv nokken, omvlkeyatet pu nokhoket, hofunekon pu pvsvtke tetayet omes.

Momof pun hesse pucke 'sen yekcat pu yacvres, elkv eteropotteyof, epu 'pakvren Pun hesse mvn momece tayat oce te? Henka, oces. Momis fuccvn hopoyēkon omat, eshehcēkos.



## HORKOPKV.

“HORKOHPETSKVS,”—vhakv escenvpakat. “Mv horkopvte huerat svnvcomv horkohpats.” Horkopetv naorketv rakke mahet os. Horkopv, Hesaketvmeseme vhakvn, momet este em vhakvn kacet os.

Nake est'enake tokon, est'em esvkatet horkopkvts, momet ehet licvkat kvhakuce en rakke omusis esvkatet horkopkvts, momet corakko en rakke omtekis, momet cytokuawv rakken licephoyis, e pu-case kerrekof cawvkatet horkopkvts.

Momen este horkopv en yekcen ‘sest’ ohfvnkvn-tct, nake sestvpenkylecat sases. Mvu horkopkvts. Momen hvtvm horkopv este elecvntot, nake en ca-wet os. Mvu horkopkvts.

Momen hvtvm estome Hesaketvmese em vhakv en kyceye tayat ocet os. Naket punake tokot sum-

ket liken eshecat, ehset, e pucasen yoh fulecicekot, ēhēn omat horkopvlke toyēs.

Este sulket omes, cokv tis esvhkopanet, monkat corakko tis 'temvrecet, cvtokunawv ete'n horkopaket os. Monkat nake enake tokat tis cvnakets maket, tayen laksaket os, momen est'emykerret, nake esaken omat, horkopaket os.

Momen hvtvm este nake wiyet en rahkvn rakke mahan, momvteke oreko estomis, wiyaket es est'em vlakset, horkopvlke haket os.

Momen hvtvm este nake est'em vcayecvranen en wihokof vcayecekot, este'n yvmahkuecet vfvstekon omat, este'n horkope etetayuset os. Momen este enhorre, es e mvnicekat naorket os. Oketv mome yvmahkuecetv tokot os. Oketv veaket os; monkv estefvccv huerepet oketv fvccvn yvmahkuecekon omat, afackuset os. Momet Hesaketvmesen afvcececicet os.

“Mv horkopvte huerat svnvcomvn horkohpats, momis vtotkekvs, momet nake heran enken 'svtotkekvs, este nake enkusvpkan emetv em etetayvret.” Ef. 4:28.

Horkopkv vtekat Hesaketvmese en homecet os. Horkopvlke momen laksvlkeu em vkerrickyn eticet Hesaketvmese oh fulecekon omat, omvlkvt estemer-kvkvranel os.

“Momof mome tares, naoriket omvtet ok, nake sestvpenkylecat, monkat este mvkerre nake heckuecat, monkat nake este'm vcayecvrane em wihokvte, monkat mv nake sumke eshecat est' oh fulecicvres.” Lef. 6:4.



### YUPO-YVPE.

NAKE hecetv mvtawvt holwaket heyvn hueres. Yupo-yvpet omes. En rakke tat yupo-lowake en rakke en nvrkvpv oret omes, momis e yupo cvpke vtvrekot omet, cukhvrponvpvt cvpket omes, momet yupo-lowake enute-fvske ocat onkot, yupo onvpvn yvpen ocet omes. Hvmkusis, hvtvm hokkolis ocvket omes, heyvt oce hecatskat omet. E hvcko lvpotlvket oh cvkcvhet omes, momet ele-wesaky tutcenet omes. E hvrpe tvlvswe, cekfet omet, tok-felv mvketeke, momet setekelket omes. Re esto-met e hvrpe eteropotteko tayet omes.

Yupo-yvpe Wahvly ekvny lekuléhan fuller omēs, momet nake lane ekvny hontan hompes, pvhe tis, momet etolvtee tis, momet em fulletv sukhy omet omes.

Cvpakken omat, holwvyecvkvetv mahet omes, ekv-nv tis e yvpen es copenet, letket kololuecet arēs.

Fayvlket, elecetvn komen omat, e turwvn 'sen hēcuset echet omes, mvn en rahvkat tvlkuset ele-cvke tayet omekv.

Cvpvkketv en heretvt omet, cvpvkke omet, sen-honeckvket omes. Este-fayy mahhe hvmket opunayat, "Yupo-yvpe cvpvkke etenrvpvko munket, este-papv pale cahkepis mimvn etenrvpvye tayes," makvtes. Momis vntat nake ponvttv honecakat estomis vwolicetv ev yacekot omis, momet ekvny nake momvke seko likepyyat mit vn heret vc afvcket omes.

---



## CVPOFUCE.

ESTE em vkerrickv cvpofuce omet os, momekv vhericet vfystetvt os. Cvpofucehkvn nake enerkv heren vchochoyekon omat, nake em ette herakat,

pvkpvke herakusat tis mv ofv sekot omes. Momekv cepvnvke, hoklusvke esyome cokv-heckv vpeyen omat, emvhayylke emvhayat enerkv heran em vkerickvn em oh vhocet os. Momen vkerrickv holwahokat, momen opunvkv holwahokat, este holwahokatet vtvkrv honte oh svkwecat tes. Heyv vtvkrv vhochoyekis hontet omes, momet estomehocekon omat, pvfnet mahet, nake vhockv herakan ohfvnket, vhopanes.

Momekv herakatet cem mvhmayvkvren ce ya-cvket on omat, nake herakaten hericet vketecet, vkerrickv holwahokan lemet vpvlvtvkes, nak' vhockucen en lemvkvnto etypomen.

Hesaketvmese em enhonrvk heyv etehoyvnen momecetvn komatsket on omat, ce hoporrenvke tat ece 'fackusvkvres.

### HEKOS MAKETVN KERRVS.

HEKOS maketv opunvkv cōtkuset omet omis, vrakkuecvkvre tayes. Momekv este Hekos maketvn 'semunk hayet on omat, estemerkv tis efeknokketv tis, monkat nake en yvmahke tayate tis em momekon hueret omes.

Momekv este nake naorketv tis est'oh yekcice wites, monkat vtotkepvraneyvte tis, oketv yvhmahkusat welvkvkets este pu kice wites; momof Hekos kicvraneyet os. Momekv este pum etohkvlketvt cokv-heckv ofv tis, monkat mekusvpkv ofv tis Wvwaket, vhkopvnvkets pu kicen omat, Hekos kicvraneyet os. Momet opunvkv holwahoke tis es opun-

ahoyeyvren este pu komet o estomis, Hesaketvmeset pum opunvkv omvlkvn pohet omat kerrēt, Hekos makvraneyet os.

Este pum etohkvlketv puckvlke tis, monkat pu mvhayvlke tis em apohicēkot, monkat pum etvlww em vhakv tis kvceyvren, estet pu komet o estomis, pu fekhvmkuset Hekos makvraneyet os.

Nettvéakon kvceyvren ep ohyekcihoce estomis, Hekos makvraneyet os.

Nake tis naoriket are witēn, lvkiset ohrvnvs pu kihoce estomis, "Hekos, estofis fvccvn oponayvyet omvres" makeyan heres. Nake cōtkuset, rakket o estomis punake tokon eseyvren pu komet ep ohyekcihoce estomis, Hesaketvmeset pu hece munkvt omat kerrēt, "Hekos, este horkvpv toyvkares" makvraneyet os.

Uehomen, momet nake este hacece tayen eskeyvren pu komhoyet omen omat, Hekos makvraneyet os. Momet opvnkv tis, pukkechetv tis, posketv tis, corakko setemvrkv tis, cokv-vhkopvnkv tis, monkat uehome esketv sasat tis vpeyeyvren pu komhoye estomis, Hekos makvraneyet os.

Estofis este vpvltake nake holwake vfvsteyvren pu komet omes, momet ep ohyekcice wites. Momet o estomis, pu fekhvmkuset Hekos kicet em vyvposkvraneyet os.

Nake holwyke vtekan Hekos maketvn kerreyet on omat, efeknokketv tis nake empenkvlke sulken en kpvkvet svpvkleyēs.

## HVLWE-TVLOFV.

Vn hesse, ce 'tem punvyvranis. Cv feke vhetke tetaye cem puyvfekcv cem vnokecyyat, momet hesakepat ce komvyat ohfvccvt nak' vpohkvn cem 'po-hvranis. Cen naorketv cen kvpaket o haks? Cesvs pu Hesayecv ofvn hueretsket o haks? Svnvcomv hecketsket o haks? Yvpefikuce e catvn 'sec okkosket o haks? Heyvn ce monkot omen omat, nak' eti estometske estomis, momet nake estomen ocetske estomis, estohmet estofvn hvlwe-tvlofv er ohretskekos.

Pu Hesayecv vnokēcusat hvmmaket omes; "Este svnecomvn hecket omekon omat, Hesaketvmese 'metvlofv hehcekos." Em atcvke yvpefikuce e catvn 'sokkosket hathakuse hakat Hesaketvmese em ohliketv ehomv 'roricvres.

Ekvnv hvmket on omat, liketv hokkolet omes, hvlwe-tvlofv, Este-nekricv huten tepakuset omes. Heyv hvmkytekan emeyuksv-sekon likvranetskes. Estomahes! Heyvn vkerricvs, estvni tar haks? Hvlwe-tvlofv etektvnkuset os. Hesaketvmese Epucet fekvtet os, ceyvranetskat. Hesaketvmese em Puyvfekcv Hvsatkusat, estofis ce Hesayecvn oh vtepet em etetakepvs ce kice munkyt os.

Hesaketvmese em estvlke, momen puyvfekcv vfackakusat Hvlwe-tvlofvn ayepetskvr eyacakuset os. Este herake hvsvthvke yvmv ekvnv sasat vtekat cem vpvyecet os. Hvlwe tvlofv em vhauke ceme tat ē emvkhotiye witetskes.

Nak' estometskar haks? Nake hvmkuset hvlwe-tvlofv ceyetv ce mvnvttece tayet os, vkvsvmkv ce


Hesayecv vfekrakketv ocetskekate. Hesaketvmese Eppuce oh vkvsametskat, hesaketv yuksv-sekon ocetskvres, momen mvn oh vkvsametskekon omat, estemerky yuksv-sekon ce 'stemerkyres. Hesaketvmese yvmv ekvny vnokecat rakket omekv, Eppuce vnokeusat atotvtes, momekv estimvt oh vkvsamen omat, estemeriyekos. Hesaketv yuksv-sekon hesakvres. Hesaketvmese Eppuce ekvny sumecivranen atotet omekates, pu hesahokvre vrahkvn omvtes.

---

### UEHOME-ESKV.

HEYV este huerat hecetska? Naken eset oma? Enke pvlhvmken fvlaskon 'seset, pvlhvmken halon 'seset, uehomen esket os. Heren e kv-essen, e turwvn, e turofvn, em atcvken, en holwyketv omvlkvn en hehcv. Nake oma? Tayen e estemerricet hueret os. Hvte uehome eskeko hueroft, en heckv herusvtes. Momis hiyomat tan nake omat kerryks. Hace mahet este penkvlece ont hueret os.

Mvnettvlke, en heckvn vlosticvketvt omvnts. Momen em vpvletaket hecof, vrakkuecvke taren eyacvket omes. E turofv, em atcvke tis, en heckv omvlkvt hervren eyacvket os. Momis este en heckv herusvte tis, uehome-eskv haken omat, momusen omvlkvt en sumket os. E turwvt vkcataken, e turofvu eleske ome en haken, e kv-esse tis, e turofvn a oh pvlatk, em atcvkeu omvlkvt en lesehvkepen, este onko haket os. Momen este herake fullat vpake vretv eyahcekos, vlesketvn este'n hayvranekv. En hessvlkeu omvlkvt en kypvkaket os. Ha-



cet vlaken omat, hoktvkeu em penkvlaket em pefatket os. Momof e hiwv, en hopuetakeu, naken oce-  
kot estemerket tvk vpoket os, uehome esketvt ome-  
cicen, cvtokunawv omvlkv pokopekv.

Uehome celayetv penkvlket os. Mv este este-  
penkvlece hueran hehcv! Heren hecv! Uehome  
wiylke opunahoyat pohvyet os. Hecen vpayvkof-  
fvn este-catvlke em vloste mahats, makaket os.  
Hece entvlkusis este-hacecekv, uehomen vpakof  
svhere mahecet os. Este-cate uehome en cvmpe  
mahet omen kerris. Uehome neset esken, cvtoku-

nawvt pokepof, momusen corakko tis este'm ohonayet os, monkat wakv tis sukhv tis, hacē, cen onkv, omvlkvt pokepis, Estohkos, maket os. Hacvlke cuehvranuset, nene-cvpv tis wakken, hechoyet os.

Uehome-eskv ehiwv ocekan herēs, enhyperkvn tayen hokte hervte tis estemerricet onkv. *Heyv cokv hayvyat, opunvkv fvccvt os, momen hoporrenkvn 'se emvhahoyekvs komit omis.* Hesaketvmese este en heckv here hayvte hiyome e estemerricat fvccv te? Fvccvronkot os. Mv vhakv, “Elehcetskvs” make ocat, este eleckv vsehat etvpomen, puna momecet, elecvranēkon pum vsehet os. Uehomet este sulke mahen pvsvtvtet omes. Estet etelecvcuks mahoken pohēn omat, uehomet omecievcuken poheyat sulket os. Mv tvlkusis en holwyketv pum onayet os. “Hesaketvmese en cuko-vcakat toyatskat, momen Hesaketvmese em Puyvfekv Vcakatet ec ofvn vpike tat kerratskeko haks”? Cokv-rakko pu kicet os. Monkv Hesaketvmese em Puyvfekcvt epu 'piket onkv, puna vcayecvraneyet omes. Uehome-eskv ena vcayecekot os. Uehomen tayen eskof, envcofn em vhopanen, elet os. Momen mv tvlkekot os. Este hace ēlat Hesaketvmese em etvlofv cehyekos, momis totkv-rakkon vk hvtpkvranet os. Monkv vn hessylke toyatskat, vhēricet, heyy este hace hueran hēcet, em estemerketvn, momet en naorketvu oh vketecet, estofis Uehome esikatskvs, momet wiyyatskvs; Este elecvts komet, em penkvlet svpvklvks. Momof ece 'fvckvke tares.

“**HACVLKE ESTOFVN HESAKETVMESE EM E TVLOFV  
ESCEHYEKOS.**”

## CESVS VC VNOKECES.

1. CESvs vc vnokeces,  
Cokv-rakkot cv kices ;  
Hopuetake enakets ;  
Yekcvkekis, ent yekces.

Vc vnokeces,  
Nakcokvt cv kices.

2. Cesvs vñ elvtet os,  
En cuko vn haukvren ;  
Holwvyeyckvn vslecen,  
'Mestucet eceyvres.

Vn vnokeces, &c.

3. Cv yekceko estomis,  
Vc vnokece munkvts ;  
Hvlwen a vfvnnaket,  
Vc vhecice munkvts.

Vc vnokeces, &c.

4. Ekvvnvn ropottvyof,  
Vc vpake munkvres ;  
Vnokecin omate,  
Ca'lofvn cv'sepvres.

Vc vnokeces, &c.

## ESTVKWVNAYV.

ESTVKWVNAYV kihocat cetto rvkrvke mahet omes.  
En cvpke tat estele-vhopaky pale tutcene, pale ostat  
oret omes. Heyv cetto rvkrakat, vkhvse sasan, mon-  
kat uevv rvkrvke sasan fuller omes. Uewv vfopke



ehketv here punvttv vk hvtvpece uevv eske tayan ehket, peteteket likvntot, em vwole tetayen vlakof, oh tasket, e nokwvn em vpvlaket, nokcepelet, elecet omes. Monkat eto huere tis vcemket, oh wakkvntot, naket hoyanen hecof, e hvce eto vpvlvke emunken, a oh tasket, fekhonnicet omes. Efv tis, eco tis, monkat wakvt o estomis nokmelet omes, mahoket omvnts ce.

Pum ekvnv estvkwnayv sekat epu 'fvcke tayes. Hopuetakuce, hvtvm este hoporrenvkek, Yv-mv ekvnv fulles makaket, em penkvlvket omes.

### ESTEMERKV SEKARES.

1. HVLWE mimvn mucv  
Cesvs mekket likes;  
Em estvlke afvckakat  
Em vfolotakes.  
  
'Stemerkv sekares,  
'Stemerkv sekares,  
Hvlwe vnokeckv 'sfvckan  
'Stemerkv sekares.

2. Hvyayvhokuset,  
 Vhonkvtesko tay's;  
 Omvl' heren vyhikaket,  
 Cesvn vkvsamak's.  
 'Stemerky sekares, &c.

3. Hesaketvmese  
 En Yvpefikuce  
 Kalfyle elehocvten  
 Vyvlikaket os.  
 'Stemerky sekares, &c.

4. E catvn es nesat  
 E vpvyaket os,  
 Momekv eslopicuset  
 Vyvlikaket os.  
 'Stemerky sekares, &c.

5. Puyvfekcv Herat,  
 Vkvsvmkvn pu'mvs,  
 Celuslvme Mucvsaten  
 Pumeu vpokyvren  
 'Stemerky sekares, &c.

### SATKV-TEKVPICV.

ELKV MEYVKSU-SEKO.	HESAKETV MEYUKSU-SEKO.
SUMKETV.	HESAKVTE.
TOTKV-RAKKO.	HVLWE-TVLOFV
YOMUCKE.	HVVAYVKE.
OHTVHIKVKVTE.	HESAKETV YUKSV-SEKO.
ESTEMERKV YUKSV-SEKO.	AFVCKETV YUKSV-SEKO.
ESTE-NEKRICV.	HESAKETVMESE.

Este vtekat heyy satkv wakkat em vkvpervn,

monkat em vkvskvnvn huere vlket omes. Momen mv huerat em onvpv opunvkv ocan em estet os.

Vn hessvlke toyatskat, heyy satkv wakkat em vpvlhvmke estoman svpaklatske haks? Hericet oho-nayet vketecvkes; opunvkv rvkrvke mahet os. Hvm-kat Este-nekricv enakets, momet totkv-rakko este-merkv emeyuksv-sekan 'sayet os. Momen hvmket afvcketv emeyuksv-sekan, Hvlwe tvlofv Hesaketv-mese likan er oret os.

Monkv hiyomat heyy satkv em vkvperv Este-nekricv em estet hueretsken omat, lvpken etohwv-lvpiket, Hesaketvmese em este hakvs. Este-nekricv vpake hueretv penkvlket os, elkv meyuksv-sekan 'sestayet os. Momen sumketv make ocan hueret, mv satkv etohwvlvpiket, Hvlwe-tvlofn er oretvn ce yacet o haks? Hesaketvmese em este mvn vpa-  
ket hueretvn ce yacet o haks? Momen estomvya-  
tet mv satkv etohwvlapkvy te? maketska? Cesvs  
eteropotiyet, etohwvlvpkvransket os. Cesvs em e  
wikvranansket os, ce feken e'mvranansket os. Ceme  
cem vtotketv ce hesayehcekos. Ceme cem emeku-  
svpkv, momet cen yvhiketv eteropotte mv satkv  
etohwvlvpiketskekos. Momis Cesvs tvlkus, Cesvs  
tvlkusen em enhonret, emekusapetskof, emet ec  
evpahyet, mv satkv es ce tohwvlvpkvres. Momof  
Hesaketvmese em este hakepet ece 'fvcke tares.  
Cesvs em opunvkv hvmmaket os; "Estimvt vnen  
a vc oh aten omat, ossihcvkos." Monkv Cesvs oh  
vyvs. Momof hesaketv meyuksv-sekon, momet afvc-  
ketv meyuksv-sekon epoyetskvres. Satkv em vpvl-  
hvmke estoman hueretska?

## FEKEPKV-NETTV

**FEKEPKV-NETTV** ehosekot vevyecvs; Hesaketvmese nettv epaken vtotke, vhkopvnvraneyat pu'mvtes, momet nettv hvmken cvnakets makvtes. Heyvt Fekepkv-nettv tes. Pu tempunayat, heyvn ce hohsvkates, maket omes.

Momekv estimv en nettv tate kerreyvrēs, momet nake svrahkvn mellvte kerreyof, naken mv nettv ofv vfvstetv tate kerreyvres.

Hesaketvmese en nettv tes. Nettv omvlkv He-  
saketvmese enakets, Hayvtet omet, mvt etekvpaki-  
cvtet omekv. Hvse nettvn ohfvnkvransen hayvtes,  
momet hvresse neren ohfvnkvransen hayvtes. Mo-  
mis Hesaketvmese nettv epakat yvmv ekvvn ohfv-  
cvn este emet omvtes. Momekv, "Nettv epaken  
vtotket, cena em vtotketv omvlkv momecv," ma-  
kvtes.

Hesaketvmese makvtes, nettv hvmkat nake omvlkv  
Hayvte rakke likat vrakkuehocvres. Heyvn makv-  
tet omekv, Cehofv en nettvn kihocet omes.

Hesaketvmese nettv epakate ofvn ekvvn hayvtes,  
momet nettv eskolvpakan fekepvtes, momet omekv,  
Fekepkv-nettvn kihocet omes. Este tis, vpuekv tis,  
vtotkvte wicket, fekapet omes.

Mekusvpkv ohfvccv vkerricvraneyat vrahkvn,  
heyv nettv hayet omvtes. Fekepkv-nettv orof, este  
vtotkekot, fekhonnet, mekusvpkv tis vpehoyen hece-  
yof, pum vkerrickv hlvwe fvccvn vkvwapkēt omes.  
Pu holwvyecvket omen, pu feke holwahoketvt ome-  
kv, mv nettv vcakatet oren, pum vkerrickv mvn oh

hecet omekaten omat, Hesaketvmese likat tis pu hose tayes.

Cehofv en nettv tes. Heyv nettv hkte hvyatkof, Cesvs, elkv a en kwwvpiket, cvto-kôfke osset omvtes. Momekv heyy nettv hvyayakof vtekat, pu Hesayecv vkerricet pum vkerrickv Hesaketvmesen vkwwvpvke tayes, momet Heyv nettv Cehofvt hayvtes, momekv mv ofv vfacket vkvsvmares, makvraneyet os.

Fekepkv-nettv vcayecetv komēn omat, hkte hvyatkof, asvpaklet Hesaketvmese merretv em'pohvraneyet omes.

E vhericeyat, svheremahe nettv yvmahkvranēkot omes. Puna heren vtcecvraneyet omes. Momis pum puyvfekcv mimvt hvsvtketv en heretv ofvn vtcvranet omes. Momekv heyy taten vkerricvraneyet omes.

Fekepkv-nettv vcayeceyat, pum vkerrickv heren vketecvraneyēs. Momet yvñv ekvñv nake ocakat vkerricetv e em vsehvraneyet omes.

Pum vtotketv nak vfvtetv svseceyvte omvlkv wiuket, mv nettv hvmkusat ofv, mekusapet, cokvn hecet, nake pum puyvfekcv ohfvccv ocakat tvlkusen vkerricvraneyet omes.

Etewolen wvnen emekusapet, Hesaketymese em Puyvfekcv Vcakat epu'paket, pun horkvsvren vpo-hvraneyet omes. Momet este etv heyy nettv es en lopicvkren mekusapvraneyet omes.

Momeye tayen omat, mekusvpkv oh vpeyet, Hesaketvmese em vhaky heren em apohiecvraneyet omes. Mekusapvlke vtekat pu feke vpayet meku-sapet, yvhiketv kerrēn omat, yvhihokat, este mvni-cvraneyet omes.

Erkenkv opunayat omvlkvñ heren em apohicvraneyet omes. Holwvyeckvn en kpvkvet, maken omat, nake estomakan es holwvyecaye omen omat, heren vketecvraneyet omes, momet nake vfvtstev estomen wikeyvten omat, mvn kerreyof, momusen, "Hesaketvmese, naorkv toyvyen, vc oh hehcet, vm merrvs," kicvraneyet omes.

Hiyomen nettv yvmahiket omeiyisem, nere feke-pvraneyof, mekusapeyat, "Heyv nettv ofv naket pum mattent omat, omvlkvñ pun kpvycicvs Cesvs vrakh-kvn," kicet, mekusvpvraneyet omes. "Opunvkvt ot, vkerrickvt ot, fulletv tateu pum mattent omat, omvlkvñ kypicvs," kicet, mekusapeyet omes.

Hiyomen Hesaketvmese en nettv vcakat fullvraneyet omes. Momis estomahes! este nvcomuset hiyomat fullet omes, yvmv tvlofvt on omat.

Este sulke mahet Hesaketvmese en nettv vcakat ehosaket, momekat kerrake estomis, holwvyecvkvet okv, mv nettv kvcaket omes. Momet Hesaketvmese em vhakv hvsatkusat kvcaket, em puyvfekcv este-merke taye ofvn e svpvklecaket omes, momen mv estemerkv ofvn vpeye munken omat, elkv yuksv-sekon vpeye tayes.

Mekusvpkv-rakkon este fullisem, sulket opunkv fvccv-hakekon opunahoyet, ehvperkvn nettv, Fe-kepkv-nettv yvmahkakat heceyet omes. Monkat heyy 'sem vheremahis sases. Emekusape 'svpohokat tis naoricet omakes. Momis heyy este vkerrickv ocvkeko ome fullvte omvlkvñ pvsvtkvranet omes. Momet Hesaketvmese ehomv svpaklet olfvccvranet omes. Momof, "Nettv-vcake hvtvm hvmkusis oe-yaete," komkvres.

Totky-rakko ofvn vpokof, "Aeha! estomen Hesaketvmese em estvlke tvkleceyvtes; momet en nettv vyvmahkeyvtes; momēskate," makaket, estemerraket hvkihhokvres.

Vn hesse, ceme hiyomat my este toyetka? Aeha! momen omat, mucv vtekat Hesaketvmese en nettv tvklehcetskvs. Merkvn em apohicvs. Hofune mahekon, "Nettv sulke," Hesaketvmese, "cem merre, cem etektvnecvte estomet aretskvt haks?" ce kicēt, cem'pohvres. Cem puyvfekcv enrahkv sekat hesayecetske tayen, ce mehakvtet omvret okv, heyvn kerrvranetsket os. Ce feket mucvse haket omekon omat, estomet heren Hesaketvmese em vhakv vfastet, en Nettv-vcakateu here vfvstetskeko tayes. Ce feket etv haket omen omat, Hesaketvmese em vhakv vtekat vfvstetv ece 'fvcke hakēs.

Momof Tewe mekko tate oket, "Cen cuko ofv nettv hvmkusis nettv cukpe rakko hvmken es en heres," maketskres. My omat Fekepkv-nettv vkericetsket o haks?

Em vtotketv omvlkvn em en heretsket ome haks? Momekat Nettv-vcakat cvpke mahet este naories kometske haks? Yvmv ekvnv Fekepkv-nettv hiyome cem momen omat, Hesaketvmese 'me tvlofylketv ce metetakekon omes. Estofis mekusvphoye munkvt omes. Fekepkv yuksv-sekot omes. Momis mv svhopakv yvmv ekvnv nettv ohmerhoyvten vlosticetskekton omat, ce feke mucvsen ce yacen omes. Hesaketvmese tvlkuset heyy ce feke mucvset ce'me tayet omes. Em Puyvfekcv Herat ec ohtoten, este mucvset ce haye tayes. Aeha! ce feken e'mvs. Cen holwvyeckv omvlkvn wihkvet, Cesvs cv Hesaye-

cv tes komet, oh vyvs. Momof yvmy ekvny Heskaketvmese em vtotketv ece 'fvcke tares, momvtet ot Hvlwe-este sulkat vpaket, ece 'fvcket, vkvsvmkv yuksv-sekon vyvhiketskres.

Estvmv hopvyt tis Nettv-cako omof vyetv tokot omes, momet hvtvm cukoperice e afvcecicetv tokot omes. Momekv mekusvpkv tis fulleyvten omat, este vwahat momusen pu huten vpeyvraneyet omes. Momet mekusvpkvn vpeyen omat, mv tvlken vkerri-cet, mekusvpkvn rorihcet, fulleyvtet, mekusvpkv ro-pottof, pu huten fulecvraneyet omes. Apuekv tis hopohyekos, Nettv-cako omof, nake eten neseyvte tis, nake etemfvecetv tis opunvyecvranēkot omes.

Merkv vtotketvn vfvtvraneyet omes. Este enok-kan emnicet, hvtvm este elat hopelet, hvtvm vpue-kv tis elvranat emniceyeyet omvranēs. Nake mome-cvraneyat tvlkuse ocakat heyyt mv tes.

“Fekepkv-nettv cele en kypvyecicet, vn nettv vca-kate ofvn cem afvcketv hopoyetv cele en kypvyeci-cetsken omat, momet Fekepkv-nettv este afvcecicat, Cehofv enake vca-kat, vrakkat tes kicetsken omat, momet Cehofv vrakkuecet, nake kometskat vfvtsts-kekcon omat, momet cemet e afvcecicetskekot, cem opunvkv tis opunvyetskekcon omat, Momof Cehofv ofvn e afvcecicetskvres, momen ekvny hvlhawan ec oh licares, momet Cekvpe cerke enaken ce hompi-cares, Cehofv e cukwvt opunvyvtet omekv.” Es. 58:13, 14.

“Momen vm etohnvkvftetv vtekat em ofvn vm vhakv momet vm opunvkvu vgayecvkvres. Momet Fekepkv-nettvu vrakkuecvkvres.” Ezk. 44:24.



## VHAUKEN VKHOTTVS.

ETWV toyetskat, vhauke nvkhottvs ce kīvyof, cv-pvkke here ont a hehcetskvs. Hotalan, Pucat tayen etkolen okis. Ce hesake vtekat vhauke vkhottetske munkv taranat tylkekv, hiyometan eskerretskan heres.

Estoman oketska? Cokv-heckvn ayit, nakcokvn keriyit, vhakv-hayv hakvranvyet omes. Momvranvtet mometsken omat, vhauke sulken vkhottet este-hununwv here haketskvres. Vhauke estomakaten oketskat vm onvyvs, Puca toyetskat. Momat ho-funusekon liketsken, estomēn okvyat cem onvyares.

Enhvtceskv ce hvckot vhaukets. Mvn nake ker-rvkekot pohekaren vkhottvranetsket os. Opunvkv hervkekis, cepvnyke es ce tempunayis, momen este mvnettvlke tis nake herekis ce mvhayake wites; mv omakat pohekaren, vkhottvranetsket os. Mvn momecetskek, ce hyckohauke esceyen omat, Etwv, este vhakv-hayv hakvranvte en heren, ayeko taye hahke wites. Momen ce turwv en hauken hvtvm vkhottvranetsket os. Nakcokv hervkekot tis, mo-

men nakcokv-tyleme holwahokis hecetsken omat, ece hopvne tayekv, mv omvlkvt hecekaren 'mvkhottet herakat tylken esheevranetskes. Momen nake herakuse omvke neskv-cukofv nake wiyetv tis oces: mv omakan hecekaren vkhottvs. Mvn momecetskekon omat, cvtokunawv vcayecetv kerrekot, estimvn em merretskeko tayvres.

Ce cukhvrpe 'mvhauke haket vkhottvranat tylkuset os. Mvt ce tulaswv nake hervkeko 'sopunyvranan 'semvkhottket omekv. Mvn vketecet heret ometskvres, mecetskekong omat, opunvkv holwahoke cvpvkhoke tis sossices. Monkv vketecet, hoporrenkv herakan vtelyet sulecetskof, nake herakate min sossicetskres.

Ce feke ofv vhauken nake ece'nrapat asceyekaren vkhottvranetskes, cem vkerrickv ce feke ofv opunaye ocat vhacke cem vheciuvt, momis mv cem onayan em apohicetskong omat, nake cem onayvte wikepen ce'stemerike wites.

Monkv vhēricet ce hvcko, momen ce turwv, momen ce cukhvrpe vhauken vkhothuecetsk on omat, naorketv moskometskoko es ce ceye ce'stemerrice tayate sulken 'mvkhottetske tayes.

Momekv vhauke vkhottetv nake vfvstvkvre tetayet os. Yvmv ekvnu aretskis, nake cen hervket omes; momen emeyuksv-sekat ofv cen hervren kometsken omat, yvn momecvranetsket os.

### VKTOPV.

HEYV nake ocat vktopy tes. Hvccet tikesko tayet omen, vktopyn hayet omhos. Mv vktopyn oh



huyiret tiketvt os. Eto, tis cvto tis vktopv es hahoyet os. Momis hvccce hvmkat ocet os, momen este estomet mvtan, vktopvn hayet, tikeko tayet os. Elkv en hvccet mv tes. Momis Cesvs pum vnicen, mv hvccce tiyeceyes. Mvn em e wikēt, em enhonrēn omat, elkv en hvccce yomuckat roriceyof, mvt epu yvpayet es pu tikvres. Momet mv elkv en hvccce es pu tikof er tvpalv ekvnv here mahan 'se pu'yvres, momen mvn vpaket estofis epu 'fvcke tares.

PU FVCKET ETEHECES.

Pu fvcket, epu 'facket

Heyvmvn etehecēs.

'Rolope hoyanatet

Nettv heran 'svlakes.

Heyv afvcketv nettvn

Epu 'facket heces.

Cehofvn vkvsymvks,

Pun hesaketvn pu'mes;

Nake pu 'fvceecicat

Nettv omvlkvn pu'mes.

Heyv, etc.

Pu 'facket etehecēs,

Cesvs, epu'nakuecv,

Pum afvcketv omvl'

Ece 'fvceecicate!

Heyv, etc.

Purkylkeu, mvhayylkeu,

Pun hessylke tohkylnen

Mucv pu 'facket heces,

Monkv yvhikēt okēs.

Heyv, etc.

Monk' pu Hayvten hvtvm

Heren vkvsymvkes;

Pu nesvren Eppuce

Hvmkusat atotvtes.

Heyv, etc.

En 'Yvfekev Veakan  
 Em 'poheyet on omat,  
 Mvn a pun 'totepvres,  
 Monkv vkvsvmvkers;  
 Heyv, etc.

---

## TEWE WENSLETT.

HECATSKES, Tewe Wenslett e hocefkv<sup>t</sup> vliket os, heyyv nakcokv enhvteceskvn. Mv este heren vkerri-catske tayat ce sasvkēs, momet heyyv e hocefkv<sup>n</sup> hecatskat, este hēret omvten kerratskes.

Momis este sulket heyyv este kerrvkvt sekok heyyv nakcokvn hecvkvres, komis. Mv esvrahkvn opunvyecvranis. Mv este mvnettof, Mvskokvlke hopuetake sulket cokv-heckv hiyome em etektvn-kat omekot omvtes. Kawetv mvhakv-cukon likof, nakcokv kerretvn eyacuset on hecat, mvhayvlket, yafke, vtotketv en hoyanof, mvhayaken, kerretvn vlicecepvtes. Heyv 'remohyupv, hopuetake ocehpofvt, em etvlwv mvhayetv eyacat, Tvlvhasse mvhakv-cukon vnakuecuset liket, 'sten kerrepet likvtet os. Momet este-hunvnwv orepet ont, momet em erkenvkv, Laklec kicetv, en yvteket o estomis, hopuetake cokv hecat vpake hecetv es e yatuecekot omvtes. Momet hvtvm here kerre mahat mvhayv Lapvse tepaket. "Mvskoke en Nakcokv es Kerretv Enhvteceskv" tohtvlhuecakof, mvhayv etvt nakcokv Klamv kicetvn emvhayen, heren er kerre mahet omvtes.

Heyvn ce kicvkis, esti toyatsket, estymvn hue-

ratske estomis, ce mvnettet ot, ece'culet o estomis, heyv este arvte omet, kerretvn vcevllatske munkvres, komit okis.

Hoporrenkv vrakkuecet omekv, estofis este vpvlwv 'sem vcahnet, 'sem vnicetv eyace emunkvt omvtes. En helvpket o estomis, cokv-heckv ocat vfekhonnet, em apohicet, momet em vcahnet omvtes. Heyvn mv omvkes.

Este vnokecat omecicen, lvpken nakcokv en heckvkepvren komet, vnickv es naorekatet omes. Nettv vrahkv Laklec emvnicen cokv tohtvlhuecen en hoyanof, vpvltake cokv lopuckuce hayetv emvnicet omvtes.

Vhvmkv, cokv "Cesvs a oh vtes" semvwetene-puehocvren tetakuecetvn pu yacet ofvn, yeceyvntvs, mohmet "Rvro em vkwikvn cv kihocen, 'Vc vcvkv-peyatsken, este em vkwiyvlken ce hayvkares' Cesvs makvten vkerricvyis," makvntvs, momet pu mvni-cvntvs.

Erkenake 'mapohicakat, Cesvs vnokeckv, momet este vnokeckvu e feke fäckuset omen, hecakvtet omes. Turopuswv e turwv fäckusen, Cesvs em estemerkvte em onayet, "Cesvs vnokecepvks," makvtet omes. Em vretv omvlkvt este vnokece tat kerkuecet omvtes, momen este vnrapv nvcome mahat tates, komvyet omis. Moman erkenkv Pvknv ēle oh erkenakof, hesake hueroft, este vnrapv oceko mahat omvtes, makvtet omes.

Pucase en huehkvranaat em etetake taret kome munkvt omvtes. Hvyakpon etehoyanet aret, este tvk elehocvtet omen vkerricet, vyecicet, yvhiketv 161 tetakuecet, e hute er ohret, cokv es hayvtet omes.

'Renyupvn opunykv Cokv-Rakko asossen yvhiketv  
160 coyvtet omes.

Monkv, espoke enokkof, Vlekev Heckak hecvtet,  
"Em eyuksv mahlvpvtketvt omvnks," maket cokv  
pum atotvtet omes.

Monkv mv omatskvren ce kievkvyc omes.

Hoporrenkv hopokv mv omatsvres.

Heyv cem onvyvkvyat omvlkvn mv omatskvres.

Este emvnickv mv omatskvres.

Cesvs vnokecety uv omatskvres.

Este omvlkv vnokecety, momet Cesvs 'soh ayetv  
komety mv omatskvres.

"Pucaset cen huehkes" mahokof, vm etetake  
tares, komet, estofis vketece huervte omatskvres, ce  
kievkit 'respojis.

Kveo-hvse nettv 17, ohrolope 1862 ofvn, yvmv  
ekvny en kvpahket, fekvpkv Pucase 'metetakuecv-  
ten eceyepvtet omes.

"Este-faccv em elkvn cv'lekvs, momen vm eyuk-  
svt mv enake omekvs."

## HVYATKOF TEHECEYVRES.

HVLWE mimvn hvyatkof teheceyvres,

Monkv ce 'fackvkekvs;

Afvcketv emeyuksv sekaten

Ahonec'yvres.

Mvn vhauke 'stofis vkhottkekares;

Mvn hesakety etot huerepes;

Mvn hesahokvte vpokes;

Mvt pu hute tares.

Hvlwe mimvn hvyatkof teheceyvres,  
Monkv ce 'fackvkekvs.

Hecvks! oketvt pvnfnen hoyvnepet os,  
Teheceyvres.

Mvn vhauke, etc.

Hvlwe mimvn hvyatkof teheceyvres,  
Monkv ce 'fackvkekvs;

Pun hessvlke pu homvn vpeyvtet  
Pu 'mehaket os.

Mvn vhauke, etc.

Hvlwe mimvn hvyatkof teheceyvres,  
Monkv ce 'fackvkekvs;

Enokketv, estemerkvu sekares ;  
Fekvpeyvres.

Mvn vhauke, etc.

Hvlwe mimvn hvyatkof teheceyvres,  
Monkv ce 'fackvkekvs.

Cesvs pu Nesv vpake toveyvres  
Meyuksv-sekan.

Mvn vhauke, etc.

## AKSVMOHE.

CEPVNVKE hokkolet welakytes. Hale Yekcv momen Teke Pvwl hocefhokvt omvtes.

Heyv cepvnvke hokkolat eten kypvkeko taye omet omakvtes. Momet etehvlvthayet etehoyvnkv vlkat welakytes. Momet ententvhaket welvkepet omvtes. Momet ahkopvnkv tis, momet cokv-heckv etem vnicpet, momen Hale este mvnettviken enhuehken omat, Teke taten enhuehket omvtes. Momet mvn vrakkuece mahet omvtes.

Renyupv hofune mahen estohmen etenhesse haket omvte kerrvyvtet os.

“Hale, estomen este cem etekerhoyetv sasat omvlkv esemuntvlen Teken cen hessen hayetot ometske haks?” kicit em’pohvyvtet os.

Momen vyoposkat, “Teke cv hesayecvtet omes. Onkv pohetskvt sekot oma?” cv kicvtet os. Pu lopockusen heyy nake momet omvntvs, momis esto-fis cv hohsekos, cv hesake vtekat; momet vnoke-cvyet omvres,” makvtet os.

Momen, “Pohvyvte sekos. Vm onvyvs ce, nake momvr’ tetayuset omen,” kicvyvtet os.

Momen Halet okat, “Hiyomat ohrolope oste oretot omes. Meske pvhe-hericky mvketeken omvntvs. Momet estomet vyecicen omvte tis omvlkvn cv hosekot os. Ahkopanet uewv lauke vfopken welaket, rvron ’mvkwiyet, momet folahpv tis, monkat cvto hvayayvhokusat tis hopoyet, nettv omvlkvn welakeyet omisem, naket estohmes komekot welakeye

emunkvt ometvnket welaken, letikit Teken enhomah-tit ayit, oktahvt vklikuset omen er oh hoyirin, oh huervyan vpaken 'svc vk cehyen, vk ossetv komvyis, omvko tayet, Teken yekcicet enhuehkiyvntvs.

Cv hehcet, 'Okotafke mahvs! Ec' ossicares, 'mah-ket, lvpecicet letiket, vwoLEN tohopket oce taten eto-tvpekse cvpken er a ehset, sofotecet ueafopken sylah-ket, a vm vk wihket, 'Se hvlatet vk vtarketsken, Netkv e huten ahyit, vnickvn er huehkvraniS, 'ma-kvntvs. Momen ahyet, Netkv, momet en cepvnvke hokkolen evpyen yicvntvs. Momis mv ahyof, momusen v'muntvlkusekv, Hesaketvmesen oh huehkit, 'Cv hesayecet, Teken hesake vtekat ohmerrvtevs,' makit mekusapvyntvs. Momis hofune mahan ervlake es vm momvntvs, eswvnakv cvpken ocet, momet eto-tvpekse hokkolen ehopaket, yicvntvs. Momet eswvnakvn a vm vk kahyen, vm vnicaket uewv vk hopel-kvyvte vc vk ossicakovntvs.

Héyvt omecicen Teke vnokecit omvyvtet os. Momekv estomahes, kometskeko tayes. Cv hesayecvtet omekv, cv hesake vtekat, estofis cv hohsekos."

Vksvmohe heyv cepvne vk ceiyvte onvkv ocat omakat svse mahet omes, yvmv ekvnv, momen mon-tos komekot este vk pvlatkat sulket omes. Momekv mvn vketecet em vnicke tayes, momet mvn vnicetvn komeyet on omat, pumet estofis vketecet, heyv vksvmohekat estvn ocaket omat kerret, vfolotecet fulleyan heres. Pumeu epu'klatken omat, vpvlwv esto-met em vniceks tayet okv. Hesaketvmese pu temfvc-vte vnickv vwolicusaten 'se hyltvks! Vcewihecats-kvs!

VKVSVMKV-EMETV NETTV.

*Cacet, Huse=vhonkvkv nakoo=hvn rukpalet, vhusvmkv nettvn hecetv komet, hopoyvtes.*

“*Mucu hiset Vhusvmkv=emetr en hiset omeko?*” maket, upohvtes. Ehole hisen eshecet, “*Nettv vhonkvkv svnocomvt to hakes?*” makvtes. Momen Halet ohat, “*Nettv esto=fvn komet mekkot ohmellat, mvt mvt omes,*” hicvtes.

“*Estohmen Nettvako=rakko, momen nettv Esostat vrakkuechv ulicehocvte keris. Estohmen Vhusvmkv=emetr ulicehocvt hakes?*” makvtes.

*Este=hvitke enhvitceskv ymvv ote yicofvt, ulicccakvtes. Perro=cukot,*

Tvpalv=rakkon nake hompvke, momet nake cyacahat vtakat a 'sen ti-  
 ken, vpkvtes. Tasahce hvnken mv  
 perro vlvkves home en nene hecho-  
 yvte, vlvkehates. Rufo kvsuppe  
 mahet omvtes, momen tohlo lis tvntvke  
 hakvtes. Este em claukvranuse ha-  
 ket, vyecivtes. Momen hompetv  
 cotkusen este vrakhv 'sen kerkucho-  
 vtes. Hvthvyvth' omvllvn perro  
 en nene hecakvtes, momen yomuckat  
 perro sekon vyecivtes. Momet vye-  
 cicusvmmvliken, nettv hvnken ohmel-  
 hoyvtes, e elvwevet emekusvphoyvren,  
 momen este omvllvt mekusvphv=cukon  
 oh vpeyvtes, Hesaketvmesen emeku-  
 svprvanel, mv tvlkuset cmvnice laye-

kv. Momen momecvtes. Mu  
nettv etvwwn perro vlakvtes, momen  
hopuetakuce tis, es omvlkvt vfvckvke-  
vtes. Momen hompetv es en yi-  
hoce es afvckvkepat, mekusvphv-cukon  
e oh fulecvtes, Hesaketvmesen vrak-  
kuecrranet, ohmerrat, momet en heretv  
vrahkvn, momen vkhvsmkv mvketeken  
yafkutes.

Heyr Tasahcucen omvtes, momis  
puntat hompvke, Rvfo orof, pun hec-  
het os. Ohrolope omvlkvn perro-cuko-  
rakko tis etetayuset, Ota-woskuce, Ota-  
woskv-rakko tepakat hompvke es pum  
vlaket os, nake herakat pum etetaye  
semuntralen.

Momet omekv, Ehole huse ofvn,

este omvilkvt mekusvphv=cukon oh vphyet, Hesaketvmesen vkusvmvren, oh-melhoyvtet os. Hopuetake eckvlke, momen en hessvlke esyomat, mv nettv etohvlket afvckvkepet omes; vkusvm=kv este afvccice emunkvt omekv.

Este Muskoke em Mekkot nettv ohmellvtet omen, vpkvksunke vkusvme=yvnks, Rivo=rakko nettv 21, 1871 ofvn, este, mekusvphv=cukon oh vphyet, Hesaketvsmese vrakkuecekvs, maket, opunvkv ossicet omen. Heyvt enhvteceskvts, momen Este Muskoke Hesaketvsmese vrakkuchocvre nettv huerihocat. Ohrolope omvilkvn Hesaketvsmese vkusvmkv nettv huericet este omvilkut vkusvme tayet os, em

merku vrakkun. Em merku es ukusvme tayat, sulke mahet omes. Molmet omeku, ohrolope omulkun, netru huericat, Este Muskoke Hesaketu=mese em merku vrakkun vrakkuecate!

---

"PASS ME NOT."

### CV HOYANET AHYETSKVS.

Cesus, cv hoyanel ah'lskvs:

Huehhvyat pohvs.

Vpultaken em merrelskof,

Vn cv wikketskvs.

Cesus, Cesus, huehhvyat pohvs

Vpultaken en hueh ctskof,

Vn cv wikketskvs.

Cem ohliketr chomvn

Cem vtokkhekit,

Merkvn cem 'pohepyoyofvn,

Lvhken um merrvs. Cesus, &c.

Cen herkv tlken enhonrit,  
 Ye cen tkh lathis;  
 Puyufekov unvltaten  
 Vme wicecvs.    Cesus, &c

Mahlyptketr omvlken  
 Vmetske tayes:  
 o vpketshek on omat,  
 Vntvlket omes.    Cesus, &c

A. E. W. R.

---


Cesus vrakhvn nake herat estoh-  
 momusen momecetske tetayat momecv.  
 momet este en sulke estohmomusen na-  
 ke herat em momecetske tayat, em  
 momecv.

Momet estvnmto estomen aretske  
 estomis, momet estofis nake herat mo-  
 mecv

Heyvn emekusapv toyēn omat,  
 momecelvn komvranēt omes.    T. P.







SMITHSONIAN INSTITUTION LIBRARIES



3 9088 00308248 4

nhanth PM991.Z77R6m

Mvskoke nakcokv eskerretv esvhokkolat.